

ఖుద్ధకనికాయే

ధమ్మపదపాళి

౧. యమకవగ్గో

౧. మనోపుబ్బజ్ఞమా ధమ్మా, మనోసేట్టా మనోమయా;
మనసా చే పదుట్టేన, భాసతి వా కరోతి వా;
తతో నం దుక్ఖమన్వేతి, చక్కంవ వహతో పదం.
౨. మనోపుబ్బజ్ఞమా ధమ్మా, మనోసేట్టా మనోమయా;
మనసా చే పసన్నేన, భాసతి వా కరోతి వా;
తతో నం సుఖమన్వేతి, ఛాయావ అనపాయినీ [అనుపాయినీ (క.)].
౩. అక్కోచ్చి మం అవధి మం, అజిని [అజినీ (?)] మం అహాసి మే;
యే చ తం ఉపనయ్యంతి, వేరం తేసం న సమ్మతి.
౪. అక్కోచ్చి మం అవధి మం, అజిని మం అహాసి మే;
యే చ తం నుపనయ్యంతి, వేరం తేసూపసమ్మతి.
౫. న హి వేరేన వేరాని, సమ్మన్తీధ కుదాచనం;
అవేరేన చ సమ్మంతి, ఏస ధమ్మా సనంతో.
౬. పరే చ న విజానంతి, మయమేత్థ యమామసే;
యే చ తత్థ విజానంతి, తతో సమ్మంతి మేధగా.
౭. సుభానుపస్సిం విహరంతం, ఇన్ద్రియేసు అసంవుతం;
భోజనమ్మి చామత్తజ్ఞాం, కుసీతం హీనవీరియం;
తం వే పసహతి మారో, వాతో రుక్ఖంవ దుబ్బలం.
౮. అసుభానుపస్సిం విహరంతం, ఇన్ద్రియేసు సుసంవుతం;
భోజనమ్మి చ మత్తజ్ఞాం, సద్ధం ఆరద్ధవీరియం;

తం వే నప్పసహతి మారో, వాతో సేలంవ పబ్బతం.

౯. అనిక్కసావో కాసావం, యో వత్తం పరిదహిస్సతి;
అపేతో దమసచ్చేన, న సో కాసావమరహతి.

౧౦. యో చ వస్తకసావస్స, సీలేసు సుసమాహితో;
ఉపేతో దమసచ్చేన, స వే కాసావమరహతి.

౧౧. అసారే సారమతినో, సారే చాసారదస్సినో;
తే సారం నాధిగచ్ఛన్తి, మిచ్ఛాసజ్జప్పగోచరా.

౧౨. సారఞ్చ సారతో ఇత్వా, అసారఞ్చ అసారతో;
తే సారం అధిగచ్ఛన్తి, సమ్మాసజ్జప్పగోచరా.

౧౩. యథా అగారం దుచ్చన్నం, వుట్టి సమతివిజ్ఞతి;
ఏవం అభావితం చిత్తం, రాగో సమతివిజ్ఞతి.

౧౪. యథా అగారం సుఛన్నం, వుట్టి న సమతివిజ్ఞతి;
ఏవం సుభావితం చిత్తం, రాగో న సమతివిజ్ఞతి.

౧౫. ఇథ సోచతి పేచ్చ సోచతి, పాపకారీ ఉభయత్థ సోచతి;
సో సోచతి సో విహఞ్జాతి, దిస్వా కమ్మకిలిట్టమత్తనో.

౧౬. ఇథ మోదతి పేచ్చ మోదతి, కతపుఞ్ఞో ఉభయత్థ మోదతి;
సో మోదతి సో పమోదతి, దిస్వా కమ్మవిసుద్ధిమత్తనో.

౧౭. ఇథ తప్పతి పేచ్చ తప్పతి, పాపకారీ [పాపకారి (?)] ఉభయత్థ తప్పతి;
“పాపం మే కత”న్తి తప్పతి, భియ్యో [భీయో (సీ.)] తప్పతి దుగ్గతిం గతో.

౧౮. ఇథ నన్దతి పేచ్చ నన్దతి, కతపుఞ్ఞో ఉభయత్థ నన్దతి;
“పుఞ్ఞం మే కత”న్తి నన్దతి, భియ్యో నన్దతి సుగ్గతిం గతో.

౧౯. బహుమ్మి చే సంహిత [సహితం (సీ. స్యా. కం. పీ.)] భాసమానో, న తక్కరో హోతి నరో పమత్తో;
గోపోవ గావో గణయం పరేసం, న భాగవా సామఞ్ఞస్స హోతి.

౨౦. అప్పమ్మి చే సంహిత భాసమానో, ధమ్మస్స హోతి [హోతి (సీ. పీ.)] అనుధమ్మచారీ;
రాగఞ్చ దోసఞ్చ పహాయ మోహం, సమ్మప్పజానో సువిముత్తచిత్తో;

అనుపాదియానో ఇథ వా హురం వా, స భాగవా సామజ్ఞస్స హోతి.

యమకవగ్గో పరమో నిట్టితో.

౨. అప్పమాదవగ్గో

౨౧. అప్పమాదో అమతపదం [అమతం పదం (క.)], పమాదో మచ్చునో పదం;
అప్పమత్తా న మీయన్తి, యే పమత్తా యథా మతా.
౨౨. ఏవం [ఏతం (సీ. స్వా. కం. పీ.)] విసేసతో ఇత్వా, అప్పమాదమ్మి పణ్ణితా;
అప్పమాదే పమోదన్తి, అరియానం గోచరే రతా.
౨౩. తే ఝాయినో సాతతికా, నిచ్చం దళ్ళపరక్కమా;
పుసన్తి ధీరా నిబ్బానం, యోగక్ఖేమం అనుత్తరం.
౨౪. ఉట్టానవతో సతీమతో [సతిమతో (సీ. స్వా. కం.)], సుచికమ్మస్స నిసమ్మకారిసో;
సణ్ణతస్స ధమ్మజీవినో, అప్పమత్తస్స [అపమత్తస్స (?)] యసోభివడ్డతి.
౨౫. ఉట్టానేనప్పమాదేన , సంయమేన దమేన చ;
దీపం కయిరాథ మేధావీ, యం ఓఘో నాభికిరతి.
౨౬. పమాదమనుయుజ్జన్తి, బాలా దుమ్మేధినో జనా;
అప్పమాదఇచ్చ మేధావీ, ధనం సేట్టంవ రక్ఖతి.
౨౭. మా పమాదమనుయుజ్జోథ, మా కామరతిసన్ధవం [సన్ధవం (క)];
అప్పమత్తో హి ఝాయన్తో, పప్పోతి విపులం సుఖం.
౨౮. పమాదం అప్పమాదేన, యదా నుదతి పణ్ణితో;
పణ్ణాపాసాదమారుయ్హ, అసోకో సోకినిం పజం;
పబ్బతట్టోవ భూమట్టే [భుమ్మట్టే (సీ. స్వా.)], ధీరో బాలే అవేక్ఖతి.
౨౯. అప్పమత్తో పమత్తేసు, సుత్తేసు బహుజాగరో;
అబలస్సంవ సీఘస్సో, హిత్వా యాతి సుమేధస్సో.
౩౦. అప్పమాదేన మఘవా, దేవానం సేట్టతం గతో;
అప్పమాదం పసంసన్తి, పమాదో గరహితో సదా.
౩౧. అప్పమాదరతో భిక్ఖు, పమాదే భయదస్సి వా;
సంయోజనం అణుం థూలం, డహం అగ్గీవ గచ్ఛతి.

3.2. అప్పమాదరతో భిక్షు, పమాదే భయదస్సి వా;
అభబ్బో పరిహానాయ, నిబ్బానస్సేవ సంతికే.

అప్పమాదవగ్గో దుత్తియో నిత్తితో.

౩. చిత్తవగ్గో

౩౩. ఫన్దనం చపలం చిత్తం, దూరక్షం [దురక్షం (సబ్బత్త)] దున్నివారయం;
ఉజ్జం కరోతి మేధావీ, ఉసుకారోవ తేజనం.
౩౪. వారిజోవ ధలే ఖిత్తో, ఓకమోకతఉబ్బతో;
పరిఫన్దతిదం చిత్తం, మారధేయ్యం పహాతవే.
౩౫. దున్నిగ్గహస్స లహునో, యత్థకామనిపాతినో;
చిత్తస్స దమథో సాధు, చిత్తం దన్తం సుఖావహం.
౩౬. సుదుద్దసం సునిపుణం, యత్థకామనిపాతినం;
చిత్తం రక్షేథ మేధావీ, చిత్తం గుత్తం సుఖావహం.
౩౭. దూరఙ్గమం ఏకచరం [ఏకచారం (క.)], అసరీరం గుహాసయం;
యే చిత్తం సంయమేస్సన్తి, మోక్షన్తి మారబన్ధనా.
౩౮. అనవట్టితచిత్తస్స, సద్ధమ్మం అవిజానతో;
పరిప్లవపసాదస్స, పఞ్ణా న పరిపూరతి.
౩౯. అనవస్సుతచిత్తస్స, అనన్వాహతచేతసో;
పుఞ్ణాపాపహీనస్స, నత్తి జాగరతో భయం.
౪౦. కుమ్మాపమం కాయమిమం విదిత్వా, నగరూపమం చిత్తమిదం రపేత్వా;
యోధేథ మారం పఞ్ణావృధేన, జితఞ్చ రక్ఖే అనివేసనో సియా.
౪౧. అచిరం వతయం కాయో, పథవిం అధిసేస్సతి;
ఛుద్ధో అపేతవిఞ్ఞాణో, నిరత్థంవ కలిఙ్గరం.
౪౨. దిసో దిసం యం తం కయిరా, వేరీ వా పన వేరినం;
మిచ్ఛాపణిహితం చిత్తం, పాపియో [పాపియం (?)] నం తతో కరే.
౪౩. న తం మాతా పితా కయిరా, అఞ్ఞో వాపి చ ఇతాకా;
సమ్మాపణిహితం చిత్తం, సేయ్యసో నం తతో కరే.

చిత్తవగ్గో తతియో నిట్టితో.

౪. పుష్పవగ్గో

౪౪. కో ఇమం [కోమం (క.)] పథవిం విచేస్సతి [విజేస్సతి (సీ. స్వా. పీ.)], యమలోకఞ్చ ఇమం సదేవకం;
కో ధమ్మపదం సుదేసితం, కుసలో పుష్పమివ పచేస్సతి [పుష్పమివప్పచేస్సతి (క.)].
౪౫. సేఖో పథవిం విచేస్సతి, యమలోకఞ్చ ఇమం సదేవకం;
సేఖో ధమ్మపదం సుదేసితం, కుసలో పుష్పమివ పచేస్సతి.
౪౬. ఫేణాపమం కాయమిమం విదిత్వా, మరీచిధమ్మం అభిసమ్ముధానో;
చేత్వాన మారస్స పపుష్పకాని [సపుష్పకాని (టీకా)], అదస్సనం మచ్చురాజస్స గచ్ఛే.
౪౭. పుష్పాని హేవ పచినన్తం, బ్యాసత్తమనసం [బ్యాసత్తమానసం (క.)] నరం;
సుత్తం గామం మహోఘోవ, మచ్చు ఆదాయ గచ్ఛతి.
౪౮. పుష్పాని హేవ పచినన్తం, బ్యాసత్తమనసం నరం;
అతిత్తణ్ణోవ కామేసు, అన్తకో కురుతే వసం.
౪౯. యథాపి భమరో పుష్పం, వణ్ణగన్ధమహేరయం [వణ్ణగన్ధమహేరయం (క.)];
పలేతి రసమాదాయ, ఏవం గామే మునీ చరే.
౫౦. న పరేసం విలోమాని, న పరేసం కతాకతం;
అత్తనోవ అవేక్షేయ్య, కతాని అకతాని చ.
౫౧. యథాపి రుచిరం పుష్పం, వణ్ణవన్తం అగన్ధకం;
ఏవం సుభాసితా వాచా, అఫలా హోతి అకుబ్బతో.
౫౨. యథాపి రుచిరం పుష్పం, వణ్ణవన్తం సుగన్ధకం [సుగన్ధకం (సీ. స్వా. కం. పీ.)];
ఏవం సుభాసితా వాచా, సఫలా హోతి కుబ్బతో [సకుబ్బతో (సీ. పీ.), పకుబ్బతో (సీ. అట్ట.), సుకుబ్బతో (స్వా. కం.)].
౫౩. యథాపి పుష్పరాసిన్హా, కయిరా మాలాగుణే బహూ;
ఏవం జాతేన మచ్ఛేన, కత్తబ్బం కుసలం బహుం.
౫౪. న పుష్పగన్ధో పటివాతమేతి, న చన్దనం తగరమల్లికా [తగరమల్లికా (సీ. స్వా. కం. పీ.)];
సతఞ్చ గన్ధో పటివాతమేతి, సబ్బా దిసా సప్పురిసో పవాయతి.

౧౫. చందనం తగరం వాపి, ఉప్పలం అథ వస్సికీ;
ఏతేసం గంధజాతానం, సీలగంధో అనుత్తరో.

౧౬. అప్పమత్తో అయం గంధో, య్యాయం తగరచందనం [యాయం తగరచందనీ (సీ. స్యా. కం. పీ.)];
యో చ సీలవతం గంధో, వాతి దేవేసు ఉత్తమో.

౧౭. తేసం సమ్పన్నసీలానం, అప్పమాదవిహారిణం;
సమ్మదఙ్గా విముత్తానం, మారో మగ్గం న విందతి.

౧౮. యథా సఙ్కారరానస్మిం [సఙ్కారధానస్మిం (సీ. స్యా. కం. పీ.)], ఉజ్జితస్మిం మహాపథే;
పదుమం తత్త జాయేథ, సుచిగందం మనోరమం.

౧౯. ఏవం సఙ్కారభూతేసు, అన్దభూతే [అన్ధిభూతే (క.)] పుథుజ్జనే;
అతిరోచతి పఞ్ణాయ, సమ్మాసమ్ముద్ధసావకో.

పుష్పవగ్గో చతుత్థో నిట్టితో.

౫. బాలవగ్గో

౬౦. దీఘా జాగరతో రత్తి, దీఘం సంతస్స యోజనం;
దీఘో బాలానం సంసారో, సద్ధమ్మం అవిజానతం.
౬౧. చరణ్ణో నాధిగచ్ఛేయ్య, సేయ్యం సదిసమత్తనో;
ఏకచరియం [ఏకచరియం (క.)] దళ్లం కయిరా, నత్తి బాలే సహాయతా.
౬౨. పుత్తా మత్తి ధనమ్మత్తి [పుత్తమత్తి ధనమత్తి (క.)], ఇతి బాలో విహణ్ణాతి;
అత్తా హి [అత్తాపి (?)] అత్తనో నత్తి, కుతో పుత్తా కుతో ధనం.
౬౩. యో బాలో మణ్ణాతి బాల్యం, పణ్ణితో వాపి తేన సో;
బాలో చ పణ్ణితమానీ, స వే “బాలో”తి వుచ్చతి.
౬౪. యావజీవమ్మి చే బాలో, పణ్ణితం పయిరుపాసతి;
న సో ధమ్మం విజానాతి, దబ్బీ సూపరసం యథా.
౬౫. ముహుత్తమపి చే విణ్ణా, పణ్ణితం పయిరుపాసతి;
ఖిప్పం ధమ్మం విజానాతి, జిహ్వా సూపరసం యథా.
౬౬. చరన్తి బాలా దుమ్మేధా, అమితేనేవ అత్తనా;
కరోంతా పాపకం కమ్మం, యం హోతి కటుకప్పలం.
౬౭. న తం కమ్మం కతం సాధు, యం కత్వా అనుతప్పతి;
యస్స అస్సుముఖో రోదం, విపాకం పటిసేవతి.
౬౮. తణ్హ కమ్మం కతం సాధు, యం కత్వా నానుతప్పతి;
యస్స పతీతో సుమనో, విపాకం పటిసేవతి.
౬౯. మధువా [మధుం వా (దీ. ని. టీకా ౧)] మణ్ణాతి బాలో, యావ పాపం న పచ్చతి;
యదా చ పచ్చతి పాపం, బాలో [అథ బాలో (సీ. స్యా.) అథ (?)] దుక్ఖం నిగచ్ఛతి.
౭౦. మాసే మాసే కుసగ్గేన, బాలో భుణ్ణోయ్య భోజనం;
న సో సజ్ఞాతథమ్మానం [సజ్ఞతథమ్మానం (సీ. పీ. క.)], కలం అగ్గతి సోళసిం.
౭౧. న హి పాపం కతం కమ్మం, సజ్ఞా ఖీరంవ ముచ్చతి;

డహన్తం బాలమన్వేతి, భస్మచ్ఛన్వేవ [భస్మాఛన్వేవ (సీ. పీ. క.)] పావకో.

౭౨. యావదేవ అనన్తాయ, ఇత్తం [ఇతం (?)] బాలస్స జాయతి;
హన్తి బాలస్స సుక్కుంసం, ముద్ధమస్స విపాతయం.

౭౩. అసన్తం భావనమిచ్ఛేయ్య [అసన్తం భావమిచ్ఛేయ్య (స్యా.), అసన్తభావనమిచ్ఛేయ్య (క.)], పురేక్షారశ్చ
భిక్షుసు;
ఆవాసేసు చ ఇస్సరియం, పూజా పరకులేసు చ.

౭౪. మమేవ కత మజ్ఞాన్తు, గిహీపబ్బజితా ఉభో;
మమేవాతివసా అస్సు, కిచ్ఛాకిచ్ఛేసు కిస్మిచి;
ఇతి బాలస్స సజ్కప్పో, ఇచ్ఛా మానో చ వడ్డతి.

౭౫. అఙ్గా హి లాభూపనిసా, అఙ్గా నిబ్బానగామినీ;
ఏవమేతం అభిఙ్గాయ, భిక్షు బుద్ధస్స సావకో;
సక్కారం నాభినన్దేయ్య, వివేకమనుబ్రూహయే.

బాలవగ్గో పఞ్చమో నిట్టితో.

౬. పణ్ణితవగ్గో

౭౬. నిధీనంవ పవత్తారం, యం పస్సే వజ్జదస్సినం;
నిగ్గయ్యవాదిం మేధావిం, తాదిసం పణ్ణితం భజే;
తాదిసం భజమానస్స, సేయ్యో హోతి న పాపియో.
౭౭. ఓవదేయ్యానుసాసేయ్య, అసబ్బా చ నివారయే;
సతత్త్వో సో పియో హోతి, అసతం హోతి అప్పియో.
౭౮. న భజే పాపకే మిత్తే, న భజే పురిసాధమే;
భజేథ మిత్తే కల్యాణే, భజేథ పురిసుత్తమే.
౭౯. ధమ్మపీతి సుఖం సేతి, విప్పసన్నేన చేతసా;
అరియప్పవేదితే ధమ్మే, సదా రమతి పణ్ణితో.
౮౦. ఉదకత్త్వో నయన్తి నేత్తికా, ఉసుకారా నమయన్తి [దమయన్తి (క.)] తేజనం;
దారుం నమయన్తి తచ్చకా, అత్తానం దమయన్తి పణ్ణితా.
౮౧. సేలో యథా ఏకఘనో [ఏకగ్గనో (క.)], వాతేన న సమీరతి;
ఏవం నిన్దాపసంసాసు, న సమిజ్జన్తి పణ్ణితా.
౮౨. యథాపి రహదో గమ్మీరో, విప్పసన్నో అనావిలో;
ఏవం ధమ్మాని సుత్వాన, విప్పసీదన్తి పణ్ణితా.
౮౩. సబ్బత్థ వే సప్పురిసా చజన్తి, న కామకామా లపయన్తి సన్తో;
సుఖేన పుట్టా అథ వా దుఖేన, న ఉచ్ఛావచం [నేచ్ఛావచం (సీ. అట్ట.)] పణ్ణితా దస్సయన్తి.
౮౪. న అత్తహేతు న పరస్స హేతు, న పుత్తమిచ్ఛే న ధనం న రట్టం;
న ఇచ్ఛేయ్య [నయిచ్ఛే (పీ.), నిచ్ఛే (?)] అధమ్మేన సమిద్ధిమత్తనో, స సీలవా పజ్ఞవా ధమ్మికో సీయా.
౮౫. అప్పకా తే మనుస్సేసు, యే జనా పారగామినో;
అథాయం ఇతరా పజా, తీరమేవానుధావతి.
౮౬. యే చ ఖో సమ్మదక్ఖాతే, ధమ్మే ధమ్మానువత్తినో;
తే జనా పారమేస్సన్తి, మచ్ఛుధేయ్యం సుదుత్తరం.

౮౭. కణ్డం ధమ్మం విప్పహాయ, సుక్కం భావేథ పణ్ణితో;

ఓకా అనోకమాగమ్మ, వివేకే యత్థ దూరమం.

౮౮. తత్తాభిరతిమిచ్ఛేయ్య, హిత్యా కామే అకిఞ్చనో;

పరియోదపేయ్య [పరియోదాపేయ్య (?)] అత్తానం, చిత్తక్లేసేహి పణ్ణితో.

౮౯. యేసం సమ్మోధియఙ్గేసు, సమ్మా చిత్తం సుభావితం;

ఆదానపటినిస్సగ్గే, అనుపాదాయ యే రతా;

ఖీణాసవా జుత్తిమన్తో, తే లోకే పరినిబ్బుతా.

పణ్ణితవగ్గో ఛట్టో నిట్టితో.

౭. అరహస్తవగ్గో

౯౦. గతద్ధినో వినోకస్స, విప్పముత్తస్స సబ్బధి;
సబ్బగన్ధప్పహీనస్స, పరిళాహో న విజ్జతి.

౯౧. ఉయ్యుజ్జాన్తి సతీమన్తో, న నికేతే రమన్తి తే;
హంసావ పల్లలం హిత్వా, ఓకమోకం జహన్తి తే.

౯౨. యేసం సన్నిచయో నత్తి, యే పరిజ్ఞాతభోజనా;
సుజ్ఞాతో అనిమిత్తో చ, విమోక్షో యేసం గోచరో;
ఆకాసే వ సకున్తానం [సకుణానం (క.)], గతి తేసం దురన్నయా.

౯౩. యస్సాసవా పరిక్లేణా, ఆహారే చ అనిస్సితో;
సుజ్ఞాతో అనిమిత్తో చ, విమోక్షో యస్స గోచరో;
ఆకాసే వ సకున్తానం, పదం తస్స దురన్నయం.

౯౪. యస్సిన్ద్రియాని సమధజ్జతాని [సమధం గతాని (సీ. పీ.)], అస్సా యథా సారథినా సుదన్తా;
పహీనమానస్స అనాసవస్స, దేవాపి తస్స పిహయన్తి తాదినో.

౯౫. పథవిసమో నో విరుజ్ఞతి, ఇన్దఖిలుపమో [ఇన్దఖీలుపమో (సీ. స్వా. క.)] తాది సుబ్బతో;
రహదోవ అపేతకద్దమో, సంసారా న భవన్తి తాదినో.

౯౬. సన్తం తస్స మనం హోతి, సన్తా వాచా చ కమ్మ చ;
సమ్మదజ్ఞా విముత్తస్స, ఉపసన్తస్స తాదినో.

౯౭. అస్సద్ధో అకతజ్ఞా చ, సద్ధిచ్చేదో చ యో నరో;
హతావకాసో వన్తాసో, స వే ఉత్తమపోరిసో.

౯౮. గామే వా యది వారజ్ఞో, నిన్నే వా యది వా ధలే;
యత్థ అరహన్తో విహరన్తి, తం భూమిరామణేయ్యకం.

౯౯. రమణీయాని అరజ్ఞాని, యత్థ న రమతీ జనో;
వీతరాగా రమిస్సన్తి, న తే కామగవేసినో.

అరహస్తవగ్గో సత్తమో నిట్టితో.

౮. సహస్రవగ్గో

౧౦౦.సహస్రమపి చే వాచా, అనత్థపదసంహితా;

ఏకం అత్థపదం సేయ్యో, యం సుత్వా ఉపసమ్మతి.

౧౦౧.సహస్రమపి చే గాథా, అనత్థపదసంహితా;

ఏకం గాథాపదం సేయ్యో, యం సుత్వా ఉపసమ్మతి.

౧౦౨.యో చ గాథా సతం భాసే, అనత్థపదసంహితా [అనత్థపదసజ్ఞాతం (క.) విసేసనం హేతం గాథాతిపదస్స];

ఏకం ధమ్మపదం సేయ్యో, యం సుత్వా ఉపసమ్మతి.

౧౦౩.యో సహస్సం సహస్సీన, సజ్ఞామే మానుసే జినే;

ఏకశ్చ జేయ్యమత్తానం [అత్తానం (సీ. పీ.)], స వే సజ్ఞామజుత్తమో.

౧౦౪.అత్తా హవే జితం సేయ్యో, యా చాయం ఇతరా పజా;

అత్తదంతస్స పోసస్స, నిచ్చం సజ్ఞాతచారినో.

౧౦౫.నేవ దేవో న గన్ధర్వో, న మారో సహ బ్రహ్మనా;

జితం అపజితం కయిరా, తథారూపస్స జన్తునో.

౧౦౬.మాసే మాసే సహస్సీన, యో యజేథ సతం సమం;

ఏకశ్చ భావిత్తానం, ముహుత్తమపి పూజయే;

సాయేవ పూజనా సేయ్యో, యశ్చో వస్ససతం హుతం.

౧౦౭.యో చ వస్ససతం జన్తు, అగ్గిం పరిచరే వనే;

ఏకశ్చ భావిత్తానం, ముహుత్తమపి పూజయే;

సాయేవ పూజనా సేయ్యో, యశ్చో వస్ససతం హుతం.

౧౦౮.యం కిశ్చో యిత్థం వ హుతం వ [యిత్థశ్చ హుతశ్చ (క.)] లోకే, సంవచ్చరం యజేథ పుజ్జాపేక్షో;

సబ్బమ్మి తం న చతుభాగమేతి, అభివాదనా ఉజ్జగతేసు సేయ్యో.

౧౦౯.అభివాదనసీలిస్స, నిచ్చం వుడ్డాపచాయినో [వడ్డాపచాయినో (సీ. పీ.)];

చత్తారో ధమ్మా వడ్డన్తి, ఆయు వణ్ణో సుఖం బలం.

౧౧౦.యో చ వస్ససతం జీవే, దుస్సీలో అసమాహితో;

ఏకాహం జీవితం సేయ్యో, సీలవంతస్స ఝాయినో.

౧౧౧.యో చ వస్ససతం జీవే, దుప్పజ్ఞో అసమాహితో;
ఏకాహం జీవితం సేయ్యో, పజ్ఞావంతస్స ఝాయినో.

౧౧౨.యో చ వస్ససతం జీవే, కుసీతో హీనవీరియో;
ఏకాహం జీవితం సేయ్యో, వీరియమారభతో దళ్ళం.

౧౧౩.యో చ వస్ససతం జీవే, అపస్సం ఉదయబ్బయం;
ఏకాహం జీవితం సేయ్యో, పస్సతో ఉదయబ్బయం.

౧౧౪.యో చ వస్ససతం జీవే, అపస్సం అమతం పదం;
ఏకాహం జీవితం సేయ్యో, పస్సతో అమతం పదం.

౧౧౫.యో చ వస్ససతం జీవే, అపస్సం ధమ్మముత్తమం;
ఏకాహం జీవితం సేయ్యో, పస్సతో ధమ్మముత్తమం.

సహస్సవగ్గో అట్టమో నిట్టితో.

౯. పాపవగ్గో

౧౧౬. అభిర్థరేధ కల్యాణే, పాపా చిత్తం నివారయే;

దన్తశ్శో కరోతో పుణ్ణం, పాపస్మిం రమతీ మనో.

౧౧౭. పాపశ్శో పురిసో కయిరా, న నం [న తం (సీ. పీ.)] కయిరా పునప్పునం;

న తమ్మి ఛన్దం కయిరాధ, దుక్ఖో పాపస్స ఉచ్చయో.

౧౧౮. పుణ్ణశ్శో పురిసో కయిరా, కయిరా నం [కయిరాథేతం (సీ. స్యా.), కయిరాథేనం (పీ.)] పునప్పునం;

తమ్మి ఛన్దం కయిరాధ, సుఖో పుణ్ణస్స ఉచ్చయో.

౧౧౯. పాపోపి పస్సతి భద్రం, యావ పాపం న పచ్చతి;

యదా చ పచ్చతి పాపం, అథ పాపో పాపాని [అథ పాపాని (?)] పస్సతి.

౧౨౦. భద్రోపి పస్సతి పాపం, యావ భద్రం న పచ్చతి;

యదా చ పచ్చతి భద్రం, అథ భద్రో భద్రాని [అథ భద్రాని (?)] పస్సతి.

౧౨౧. మావమశ్శోధ [మాప్పమశ్శోధ (సీ. స్యా. పీ.)] పాపస్స, న మన్తం [న మం తం (సీ. పీ.), న మత్తం (స్యా.)]

ఆగమిస్సతి;

ఉదబిన్దునిపాతేన, ఉదకుమ్భాపి పూరతి;

బాలో పూరతి [పూరతి బాలో (సీ. క.), ఆపూరతి బాలో (స్యా.)] పాపస్స, ధోకం ధోకమ్మి [ధోక ధోకమ్మి (సీ. పీ.)] ఆచినం.

౧౨౨. మావమశ్శోధ పుణ్ణస్స, న మన్తం ఆగమిస్సతి;

ఉదబిన్దునిపాతేన, ఉదకుమ్భాపి పూరతి;

ధీరో పూరతి పుణ్ణస్స, ధోకం ధోకమ్మి ఆచినం.

౧౨౩. వాణిజోవ భయం మగ్గం, అప్పసత్తో మహద్ధనో;

విసం జీవితుకామోవ, పాపాని పరివజ్జయే.

౧౨౪. పాణిమ్మి చే వణో నాస్స, హరేయ్య పాణినా విసం;

నాబ్బణం విసమన్వేతి, నత్తి పాపం అకుబ్బతో.

౧౨౫. యో అప్పదుట్టస్స నరస్స దుస్సతి, సుద్ధస్స పోసస్స అనఙ్గణస్స;

తమేవ బాలం పచ్చేతి పాపం, సుఖుమో రజో పటివాతంవ ఖిత్తో.

౧౨౬.గబ్బమేకే ఉప్పజ్జన్తి, నిరయం పాపకమ్మినో;

సగ్గం సుగతినో యన్తి, పరినిబ్బన్తి అనాసవా.

౧౨౭.న అన్తలిక్ఖే న సముద్దమజ్ఞే, న పబ్బతానం వివరం పవిస్స [పవిసం (స్యా.)];

న విజ్ఞతీ [న విజ్ఞతి (క. సీ. పీ. క.)] సో జగతిప్పదేసో, యత్థట్ఠితో [యత్థట్ఠితో (స్యా.)] ముచ్చేయ్య
పాపకమ్మా.

౧౨౮.న అన్తలిక్ఖే న సముద్దమజ్ఞే, న పబ్బతానం వివరం పవిస్స;

న విజ్ఞతీ సో జగతిప్పదేసో, యత్థట్ఠితం [యత్థట్ఠితం (స్యా.)] నప్పసహేయ్య మచ్చు.

పాపవగ్గో నవమో నిట్టితో.

౧౦. దణ్డవగ్గో

౧౨౯. సబ్బే తసన్తి దణ్డస్సు, సబ్బే భాయన్తి మచ్చునో;

అత్తానం ఉపమం కత్వా, న హనేయ్య న ఘాతయే.

౧౩౦. సబ్బే తసన్తి దణ్డస్సు, సబ్బేసం జీవితం పియం;

అత్తానం ఉపమం కత్వా, న హనేయ్య న ఘాతయే.

౧౩౧. సుఖకామాని భూతాని, యో దణ్డేన విహింసతి;

అత్తనో సుఖమేసానో, పేచ్చ సో న లభతే సుఖం.

౧౩౨. సుఖకామాని భూతాని, యో దణ్డేన న హింసతి;

అత్తనో సుఖమేసానో, పేచ్చ సో లభతే సుఖం.

౧౩౩. మావోచ ఫరుసం కఞ్చి, వుత్తా పటివదేయ్యు తం [పటివదేయ్యుం తం (క.)];

దుక్ఖా హి సారమ్భకథా, పటిదణ్డా పుసేయ్యు తం [పుసేయ్యుం తం (క.)].

౧౩౪. సచే నేరేసి అత్తానం, కంసో ఉపహతో యథా;

ఏస పత్తోసి నిబ్బానం, సారమ్భో తే న విజ్జతి.

౧౩౫. యథా దణ్డేన గోపాలో, గావో పాజేతి గోచరం;

ఏవం జరా చ మచ్చు చ, ఆయుం పాజేన్తి పాణినం.

౧౩౬. అథ పాపాని కమ్మాని, కరం బాలో న బుజ్జతి;

సేహి కమ్మేహి దుమ్మేధో, అగ్గిదణ్డోవ తప్పతి.

౧౩౭. యో దణ్డేన అదణ్డేసు, అప్పదుట్టేసు దుస్సతి;

దసన్నమణ్ణతరం రానం, ఖిప్పమేవ నిగచ్ఛతి.

౧౩౮. వేదనం ఫరుసం జానిం, సరీరస్సు చ భేదనం [సరీరస్సు పభేదనం (స్యా.)];

గరుకం వాపి ఆబాధం, చిత్తక్లేపణ్ణ [చిత్తక్లేపం వ (సీ. స్యా. పీ.)] పాపుణే.

౧౩౯. రాజతో వా ఉపసగ్గం [ఉపసగ్గం (సీ. పీ.)], అబ్బుక్ఖానణ్ణ [అబ్బుక్ఖానం వ (సీ. పీ.)] దారుణం;

పరిక్ఖయణ్ణ [పరిక్ఖయం వ (సీ. స్యా. పీ.)] ఇఠీనం, భోగానణ్ణ [భోగానం వ (సీ. స్యా. పీ.)] పభజ్జరం

[పభజ్జనం (క.)].

౧౪౦. అథ వాస్స అగారాని, అగ్గి డహతి [డయ్యతి (క.)] పావకో;

కాయస్స భేదా దుప్పజ్ఞో, నిరయం సోపపజ్జతి [సో ఉపపజ్జతి (సీ. స్యా.)].

౧౪౧. న నగ్గచరియా న జటా న పజ్జా, నానాసకా ధణ్ణీలసాయికా వా;

రజోజల్లం ఉక్కుటికప్పధానం, సోధేన్తి మచ్చం అవితిణ్ణకజ్ఞం.

౧౪౨. అలబ్బతో చేపి సమం చరేయ్య, సన్తో దన్తో నియతో బ్రహ్మచారీ;

సబ్బేసు భూతేసు నిధాయ దణ్ణం, సో బ్రాహ్మణో సో సమణో స భిక్షు.

౧౪౩. హిరీనిసేధో పురిసో, కోచి లోకస్మి విజ్జతి;

యో నిద్దం [నిద్దం (సీ. పీ.) సం. ని. ౧.౧౮] అపబోధతి [అపబోధతి (సీ. స్యా. పీ.)], అస్సో భద్దో కసామివ.

౧౪౪. అస్సో యథా భద్దో కసానివిట్టో, ఆతాపినో సంవేగినో భవాథ;

సద్ధాయ సీలేన చ వీరియేన చ, సమాధినా ధమ్మవినిచ్ఛయేన చ;

సమ్పన్నవిజ్ఞాచరణా పతిస్సతా, జహిస్సథ [పహస్సథ (సీ. స్యా. పీ.)] దుక్ఖమిదం అనప్పకం.

౧౪౫. ఉదకశ్ఛో నయన్తి నేత్తికా, ఉసుకారా నమయన్తి తేజనం;

దారుం నమయన్తి తచ్ఛకా, అత్తానం దమయన్తి సుబ్బతా.

దణ్ణవగ్గో దసమో నిట్టితో.

౧౧. జరావగ్గో

౧౪౬.కో ను హసో [కిన్ను హసో (క.)] కిమానన్దో, నిచ్చం పజ్జలితే సతి;
అన్దకారేన ఓనద్దా, పదీపం న గవేసథ.

౧౪౭.పస్స చిత్తకతం బిమ్బం, అరుకాయం సముస్సితం;
ఆతురం బహుసజ్కప్పం, యస్స నత్తి ధువం రితి.

౧౪౮.పరిజిణ్ణమిదం రూపం, రోగనీళం [రోగనిడ్డం (సీ. పీ.), రోగనిడ్డం (స్యా.)] పభజ్గరం;
భిజ్జతి పూతిసన్దేహో, మరణన్తన్హో జీవితం.

౧౪౯.యానిమాని అపత్తాని [యానిమాని అపత్తాని (సీ. స్యా. పీ.), యానిమాని'పవిద్ధాని (?)], అలాబూనేవ
[అలాపూనేవ (సీ. స్యా. పీ.)] సారదే;
కాపోతకాని అట్ఠీని, తాని దిస్వాన కా రతి.

౧౫౦.అట్ఠీనం నగరం కతం, మంసలోహితలేపనం;
యత్థ జరా చ మచ్చు చ, మానో మక్ఖో చ ఓహితో.

౧౫౧.జీరన్తి వే రాజరథా సుచిత్తా, అథో సరీరమ్మి జరం ఉపేతి;
సతశ్చ ధమ్మో న జరం ఉపేతి, సన్తో హవే సబ్బి పవేదయన్తి.

౧౫౨.అప్పస్సుతాయం పురిసో, బలిబద్ధోవ [బలివద్ధోవ (సీ. స్యా. పీ.)] జీరతి;
మంసాని తస్స వడ్డన్తి, పజ్జా తస్స న వడ్డతి.

౧౫౩.అనేకజాతిసంసారం , సన్ధావిస్సం అనిబ్బిసం;
గహకారం [గహకారకం (సీ. స్యా. పీ.)] గవేసన్తో, దుక్ఖా జాతి పునప్పునం.

౧౫౪.గహకారక దిట్ఠోసి, పున గేహం న కాహసి;
సబ్బా తే ఫాసుకా భగ్గా, గహకూటం విసజ్జతం;
విసజ్జారగతం చిత్తం, తన్హానం ఖయమజ్ఞగా.

౧౫౫.అచరిత్వా బ్రహ్మచరియం, అలద్ధా యోబ్బనే ధనం;
జిణ్ణకోఞ్చావ రూయన్తి, ఖీణమచ్ఛేవ పల్లలే.

౧౫౬.అచరిత్వా బ్రహ్మచరియం, అలద్ధా యోబ్బనే ధనం;

సేన్తి చాపాతిభీణావ, పురాణాని అనుత్థనం.

జరావగ్గో ఏకాదసమో నిట్టితో.

౧౨. అత్తవగ్గో

౧౨౭. అత్తానళ్ళో పీయం జగ్గో, రక్తేయ్య నం సురక్తితం;
తిణ్ణం అగ్గోతరం యామం, పటిజగ్గేయ్య పణ్ణితో.

౧౨౮. అత్తానమేవ పఠమం, పతిరూపే నివేసయే;
అథగ్గోమనుసాసేయ్య, న కిలిస్సేయ్య పణ్ణితో.

౧౨౯. అత్తానం చే తథా కయిరా, యథాగ్గోమనుసాసతి;
సుదంతో వత దమేథ, అత్తా హి కిర దుద్దమో.

౧౩౦. అత్తా హి అత్తనో నాథో, కో హి నాథో పరో సియా;
అత్తనా హి సుదంతేన, నాథం లభతి దుల్లభం.

౧౩౧. అత్తనా హి కతం పాపం, అత్తజం అత్తసమ్భవం;
అభిమత్థతి [అభిమంతతి (సి. పీ.)] దుమ్మేథం, వజిరం వస్మమయం [వజిరంవ'ష్టుమయం (స్యా. క.)] మణిం.

౧౩౨. యస్స అచ్చంతదుస్సీల్యం, మాలువా సాలమివోత్తతం;
కరోతి నో తథత్తానం, యథా నం ఇచ్చతీ దినో.

౧౩౩. సుకరాని అసాధూని, అత్తనో అహితాని చ;
యం వే హితగ్గో సాధుగ్గో, తం వే పరమదుక్కరం.

౧౩౪. యో సాసనం అరహతం, అరియానం ధమ్మజీవినం;
పటిక్కీసతి దుమ్మేథో, దిట్టిం నిస్సాయ పాపికం;
ఫలాని కట్టకస్సేవ, అత్తఘాతాయ [అత్తఘగ్గోయ (సి. స్యా. పీ.)] ఫల్లతి.

౧౩౫. అత్తనా హి [అత్తనావ (సి. స్యా. పీ.)] కతం పాపం, అత్తనా సంకిలిస్సతి;
అత్తనా అకతం పాపం, అత్తనావ విసుజ్జతి;
సుద్ధీ అసుద్ధి పచ్చత్తం, నాగ్గో అగ్గం [నాగ్గోమగ్గో (సి.)] విసోధయే.

౧౩౬. అత్తదత్తం పరత్తేన, బహునాపి న హాపయే;
అత్తదత్తమభిగ్గోయ, సదత్తపసుతో సియా.

అత్తవగ్గో ద్వాదశమో నిట్టితో.

౧౩. లోకవర్గో

౧౬౭. హీనం ధమ్మం న సేవేయ్య, పమాదేన న సంవసే;
మిచ్ఛాదిట్ఠం న సేవేయ్య, న సియా లోకవడ్డనో.

౧౬౮. ఉత్తిట్ఠే నప్పమజ్జేయ్య, ధమ్మం సుచరితం చరే;
ధమ్మచారీ సుఖం సేతి, అస్మిం లోకే పరమ్మి చ.

౧౬౯. ధమ్మం చరే సుచరితం, న నం దుచ్ఛరితం చరే;
ధమ్మచారీ సుఖం సేతి, అస్మిం లోకే పరమ్మి చ.

౧౭౦. యథా పుబ్బుళకం [పుబ్బుళకం (సీ. పీ.)] పస్సే, యథా పస్సే మరీచికం;
ఏవం లోకం అవేక్షంతం, మచ్ఛురాజా న పస్సతి.

౧౭౧. ఏథ పస్సథిమం లోకం, చిత్తం రాజరథూపమం;
యత్థ బాలా విసీదన్తి, నత్తి సగ్గో విజానతం.

౧౭౨. యో చ పుట్టే పమజ్జిత్యా, పచ్ఛా సో నప్పమజ్జతి;
సోమం లోకం పభాసేతి, అబ్బా ముత్తోవ చన్దిమా.

౧౭౩. యస్స పాపం కతం కమ్మం, కుసలేన పిథీయతి [పిథీయతి (సీ. స్వా. పీ.)];
సోమం లోకం పభాసేతి, అబ్బా ముత్తోవ చన్దిమా.

౧౭౪. అన్తభూతో [అన్తీభూతో (క.)] అయం లోకో, తనుకేత్థ విపస్సతి;
సకుణో జాలముత్తోవ, అప్పో సగ్గాయ గచ్ఛతి.

౧౭౫. హంసాదిచ్చపథే యన్తి, ఆకాసే యన్తి ఇద్ధియా;
నీయన్తి ధీరా లోకమ్హా, జేత్వా మారం సవాహినిం [సవాహనం (స్వా. క.)].

౧౭౬. ఏకం ధమ్మం అతీతస్స, ముసావాదిస్స జన్తునో;
వితిణ్ణపరలోకస్స, నత్తి పాపం అకారియం.

౧౭౭. న వే కదరియా దేవలోకం వజన్తి, బాలా హవే నప్పసంసన్తి దానం;
ధీరో చ దానం అనుమోదమానో, తేనేవ సో హోతి సుఖీ పరత్థ.

౧౭౮. పథబ్యా ఏకరజ్జేన, సగ్గస్స గమనేన వా;

సబ్బలోకాధిపచ్చేన, సోతాపత్తిఫలం వరం.

లోకవగ్గో తరసమో నిట్టితో.

౧౪. బుద్ధవగ్గో

౧౭౯. యస్స జితం నావజీయతి, జితం యస్స [జితమస్స (సీ. స్యా. పీ.), జితం మస్స (క.)] నో యాతి కోచి లోకే;
తం బుద్ధమనంతగోచరం, అపదం కేన పదేన నేస్సథ.

౧౮౦. యస్స జాలినీ విసత్తికా, తథ్ఠా నత్తి కుహిఇచ్చి నేతవే;
తం బుద్ధమనంతగోచరం, అపదం కేన పదేన నేస్సథ.

౧౮౧. యే ఝానపసుతా ధీరా, నేక్ఖమ్మాపసమే రతా;
దేవాపి తేసం పిహయన్తి, సమ్మద్ధానం సతీమతం.

౧౮౨. కిచ్చో మనుస్సపటిలాభో, కిచ్చం మచ్ఛాన జీవితం;
కిచ్చం సద్ధమ్మస్సవనం, కిచ్చో బుద్ధానముప్పాదో.

౧౮౩. సబ్బపాపస్స అకరణం, కుసలస్స ఉపసమ్మదా [కుసలస్సూపసమ్మదా (స్యా.)];
సచిత్తపరియోదపనం [సచిత్తపరియోదాపనం (?)], ఏతం బుద్ధాన సాసనం.

౧౮౪. ఇన్తి పరమం తపో తిత్తిక్ఖా, నిబ్బానం [నిబ్బాణం (క. సీ. పీ.)] పరమం వదన్తి బుద్ధా;
న హి పబ్బజితో పరూపఘాతీ, న [అయం నకారో సీ. స్యా. పీ. పాత్థకేసు న దిస్సతి] సమణో హోతి పరం
విహేరయన్తో.

౧౮౫. అనూపవాదో అనూపఘాతో [అనుపవాదో అనుపఘాతో (స్యా. క.)], పాతిమోక్షే చ సంవరో;
మత్తజ్ఞాతా చ భత్తస్మిం, పన్తజ్ఞా సయనాసనం;
అధిచిత్తే చ ఆయోగో, ఏతం బుద్ధాన సాసనం.

౧౮౬. న కహోపణవస్సేన, తిత్తి కామేసు విజ్జతి;
అప్పస్సాదా దుఖా కామా, ఇతి విజ్ఞాయ పణ్ణితో.

౧౮౭. అపి దిబ్బేసు కామేసు, రతిం నో నాధిగచ్ఛతి;
తణ్ణక్ఖయరతో హోతి, సమ్మాసమ్మద్ధసావకో.

౧౮౮. బహుం వే సరణం యన్తి, పబ్బతాని వనాని చ;
ఆరామరుక్ఖచేత్త్యాని, మనుస్సా భయతజ్జితా.

౧౮౯. నేతం ఖో సరణం ఖేమం, నేతం సరణముత్తమం;

నేతం సరణమాగమ్మ, సబ్బదుక్తా పముచ్చతి.

౧౯౦.యో చ బుద్ధశ్చ ధమ్మశ్చ, సజ్జశ్చ సరణం గతో;
చత్తారి అరియసచ్ఛాని, సమ్మప్పజ్ఞాయ పస్సతి.

౧౯౧.దుక్ఖం దుక్ఖసముప్పాదం, దుక్ఖస్స చ అతిక్కమం;
అరియం చట్టజ్ఞికం మగ్గం, దుక్ఖాపసమగామినం.

౧౯౨.ఏతం ఖో సరణం ఖేమం, ఏతం సరణముత్తమం;
ఏతం సరణమాగమ్మ, సబ్బదుక్తా పముచ్చతి.

౧౯౩.దుల్లభో పురిసాజ్ఞో, న సో సబ్బత్థ జాయతి;
యత్థ సో జాయతి ధీరో, తం కులం సుఖమేధతి.

౧౯౪.సుఖో బుద్ధానముప్పాదో, సుఖా సద్ధమ్మదేసనా;
సుఖా సజ్జస్స సామగ్గీ, సమగ్గానం తపో సుఖో.

౧౯౫.పూజారహే పూజయతో, బుద్ధే యది వ సావకే;
పపశ్చసమతిక్కన్తే, తిణ్ణసోకపరిద్ధవే.

౧౯౬.తే తాదీసే పూజయతో, నిబ్బుతే అకుతోభయే;
న సక్కా పుజ్ఞం సజ్ఞాతుం, ఇమేత్తమపి కేనచి.

బుద్ధవగ్గో చుద్ధసమో నిట్టితో.

౧౫. సుఖవగ్గో

౧౯౭. సుసుఖం వత జీవామ, వేరినేసు అవేరినో;
వేరినేసు మనుస్సేసు, విహరామ అవేరినో.

౧౯౮. సుసుఖం వత జీవామ, ఆతురేసు అనాతురా;
ఆతురేసు మనుస్సేసు, విహరామ అనాతురా.

౧౯౯. సుసుఖం వత జీవామ, ఉస్సుకేసు అనుస్సుకా;
ఉస్సుకేసు మనుస్సేసు, విహరామ అనుస్సుకా.

౨౦౦. సుసుఖం వత జీవామ, యేసం నో నత్తి కిఞ్చనం;
పీతిభక్ఖా భవిస్సామ, దేవా ఆభస్సరా యథా.

౨౦౧. జయం వేరం పసవతి, దుక్ఖం సేతి పరాజితో;
ఉపసంతో సుఖం సేతి, హిత్వా జయపరాజయం.

౨౦౨. నత్తి రాగసమో అగ్గి, నత్తి దోససమో కలి;
నత్తి ఖిన్ధసమా [ఖిన్ధాదిసా (సీ. స్వా. పీ. రూపసిద్ధియా సమేతి)] దుక్ఖా, నత్తి సన్తిపరం సుఖం.

౨౦౩. జిఘచ్ఛాపరమా రోగా, సజ్ఞాపరమా [సజ్ఞారా పరమా (బహూసు)] దుఖా;
ఏతం ఇత్థా యథాభూతం, నిబ్బానం పరమం సుఖం.

౨౦౪. ఆరోగ్యపరమా లాభా, సన్తుట్టిపరమం ధనం;
విస్సాసపరమా ఇతి [విస్సాసపరమో ఇతి (క. సీ.), విస్సాసపరమా ఇతి (సీ. అట్ట.), విస్సాసా పరమా
ఇతి (క.)], నిబ్బానం పరమం [నిబ్బాణపరమం (క. సీ.)] సుఖం.

౨౦౫. పవివేకరసం పిత్యా [పీత్వా (సీ. స్వా. కం. పీ.)], రసం ఉపసమస్స చ;
నిద్దరో హోతి నిప్పాపో, ధమ్మపీతిరసం పివం.

౨౦౬. సాహు దస్సనమరియానం, సన్నివాసో సదా సుఖో;
అదస్సనేన బాలానం, నిచ్చమేవ సుఖీ సియా.

౨౦౭. బాలసఙ్గతచారీ [బాలసఙ్గతిచారీ (క.)] హి, దీఘమద్ధాన సోచతి;
దుక్ఖో బాలేహి సంవాసో, అమితేనేవ సబ్బదా;

ధీరో చ సుఖసంవాసో, శాతీనంవ సమాగమో.

౨౦౮ తస్మా హి -

ధీరశ్చ పఞ్శాశ్చ బహుస్సుతశ్చ, ధోరయ్సీలం వతవంతమరియం;

తం తాదిసం సప్సరిసం సుమేధం, భజేథ నక్ష్తతపథంవ చన్దిమా [తస్మా హి ధీరం పఞ్శాశ్చ, బహుస్సుతశ్చ
ధోరయ్సం; సీలం ధుతవతమరియం, తం తాదిసం సప్సరిసం; సుమేధం భజేథ నక్ష్తతపథంవ చన్దిమా; (క.)].

సుఖవగ్గో పన్నరసమో నిట్టితో.

౧౬. పియవగ్గో

౨౦౯.అయోగే యుజ్జమత్తానం, యోగస్మిశ్చ అయోజయం;
అత్థం హిత్యా పియగ్గాహి, పిహితత్తానుయోగినం.

౨౧౦.మా పియేహి సమాగశ్చ, అప్పియేహి కుదాచనం;
పియానం అదస్సనం దుక్ఖం, అప్పియానశ్చ దస్సనం.

౨౧౧.తస్మా పియం న కయిరాథ, పియాపాయో హి పాపకో;
గన్ధా తేసం న విజ్ఞన్తి, యేసం నత్తి పియాప్పియం.

౨౧౨.పియతో జాయతీ సోకో, పియతో జాయతీ [జాయతే (క.)] భయం;
పియతో విప్పముత్తస్స, నత్తి సోకో కుతో భయం.

౨౧౩.పేమతో జాయతీ సోకో, పేమతో జాయతీ భయం;
పేమతో విప్పముత్తస్స, నత్తి సోకో కుతో భయం.

౨౧౪.రతియా జాయతీ సోకో, రతియా జాయతీ భయం;
రతియా విప్పముత్తస్స, నత్తి సోకో కుతో భయం.

౨౧౫.కామతో జాయతీ సోకో, కామతో జాయతీ భయం;
కామతో విప్పముత్తస్స, నత్తి సోకో కుతో భయం.

౨౧౬.తణ్ణాయ జాయతీ [జాయతే (క.)] సోకో, తణ్ణాయ జాయతీ భయం;
తణ్ణాయ విప్పముత్తస్స, నత్తి సోకో కుతో భయం.

౨౧౭.సీలదస్సనసమ్మన్నం , ధమ్మట్టం సచ్చవేదినం;
అత్తనో కమ్మ కుబ్బానం, తం జనో కురుతే పియం.

౨౧౮.ధన్దజాతో అనక్ఖాతే, మనసా చ పుటో సియా;
కామేసు చ అప్పటిబద్ధచిత్తో [అప్పటిబద్ధచిత్తో (క.)], ఉద్ధంసోతోతి వుచ్చతి.

౨౧౯.చిరప్పవాసిం పురిసం, దూరతో సోత్థిమాగతం;
జాతిమిత్తా సుహజ్జా చ, అభినన్దన్తి ఆగతం.

౨౨౦.తథేవ కతపుజ్జామ్మి, అస్మా లోకా పరం గతం;

పుజ్ఞాని పటిగట్టాన్ని, పియం ఇాతీవ ఆగతం.

పియవగ్గో సోళసమో నిట్టితో.

౧౭. కోధవగ్గో

౨౨౧ కోధం జహీ విప్పజహీయ్య మానం, సంయోజనం సబ్బమతిక్కమేయ్య;
తం నామరూపస్మిమసజ్జమానం, అకిఞ్చనం నానుపతన్తి దుష్టా.

౨౨౨ యో వే ఉప్పతితం కోధం, రథం భన్తంవ వారయే [ధారయే (సీ. స్యా. పీ.)];
తమహం సారథిం బ్రూమి, రస్మిగ్గాహో ఇతరో జనో.

౨౨౩. అక్కోధేన జినే కోధం, అసాధుం సాధునా జినే;
జినే కదరియం దానేన, సచ్చేనాలికవాదినం.

౨౨౪ సచ్చం భణే న కుజ్ఞేయ్య, దజ్ఞా అప్పమ్మి [దజ్ఞా'ప్పస్మిమ్మి (సీ. పీ.), దజ్ఞా అప్పస్మి (స్యా. క.)] యాచితో;
ఏతేహి తీహి రానేహి, గచ్ఛే దేవాన సన్తికే.

౨౨౫ అహింసకా యే మునయో [అహింసకాయా మునయో (క.)], నిచ్చం కాయేన సంవుతా;
తే యన్తి అచ్చుతం రానం, యత్థ గన్తా న సోచరే.

౨౨౬ సదా జాగరమానానం, అహోరత్తానుసిక్ఖినం;
నిబ్బానం అధిముత్తానం, అత్థం గచ్ఛన్తి ఆసవా.

౨౨౭ పోరాణమేతం అతుల, నేతం అజ్జతనామివ;
నిన్దన్తి తుణ్ణిమాసీనం, నిన్దన్తి బహుభాణినం;
మితభాణిమ్మి నిన్దన్తి, నత్తి లోకే అనిన్దితో.

౨౨౮ న చాహు న చ భవిస్సతి, న చేతరహి విజ్జతి;
ఏకన్తం నిన్దితో పోసో, ఏకన్తం వా పసంసితో.

౨౨౯ యం చే విజ్ఞా పసంసన్తి, అనువిచ్చ సువే సువే;
అచ్చిద్ధవుత్తిం [అచ్చిన్నవుత్తిం (క.)] మేధావిం, పజ్ఞాసీలసమాహితం.

౨౩౦. నిక్ఖం [నేక్ఖం (సీ. స్యా. పీ.)] జమ్బానదస్సేవ, కో తం నిన్దితుమరహతి;
దేవాపి నం పసంసన్తి, బ్రహ్మనాపి పసంసితో.

౨౩౧. కాయప్పకోపం రక్ఖేయ్య, కాయేన సంవుతో సియా;
కాయదుచ్చరితం హిత్వా, కాయేన సుచరితం చరే.

౨౩౨. వచీపకోపం రక్షేయ్య, వాచాయ సంవుతో సియా;
వచీదుచ్చరితం హిత్యా, వాచాయ సుచరితం చరే.

౨౩౩. మనోపకోపం రక్షేయ్య, మనసా సంవుతో సియా;
మనోదుచ్చరితం హిత్యా, మనసా సుచరితం చరే.

౨౩౪. కాయేన సంవుతా ధీరా, అథో వాచాయ సంవుతా;
మనసా సంవుతా ధీరా, తే వే సుపరిసంవుతా.

కోధవగ్గో సత్తరసమో నిట్టితో.

౧౮. మలవగ్గో

౨౩౮. పణ్డుపలాసోవ దానిసి, యమపురిసాపి చ తే [తం (సీ. స్వా. కం. పీ.)] ఉపట్టితా;
ఉయ్యోగముఖే చ తిట్టసి, పాథేయ్యమ్మి చ తే న విజ్ఞతి.

౨౩౯.

సో కరోహి దీపమత్తనో, ఖిప్పం వాయమ పణ్ణితో భవ;
నిద్దంతమలో అనఙ్గణో, దిబ్బం అరియభూమిం ఉపేహిసి [దిబ్బం అరియభూమిమేహిసి (సీ. స్వా. పీ.),
దిబ్బమరియభూమిం ఉపేహిసి (?)].

౨౪౦. ఉపనీతవయో చ దానిసి, సమ్మయాతోసి యమస్స సంతికే;
వాసో [వాసోపి చ (బహూసు)] తే నత్తి అంతరా, పాథేయ్యమ్మి చ తే న విజ్ఞతి.

౨౪౧. సో కరోహి దీపమత్తనో, ఖిప్పం వాయమ పణ్ణితో భవ;
నిద్దంతమలో అనఙ్గణో, న పునం జాతిజరం [న పున జాతిజరం (సీ. స్వా.), న పున జాతిజరం (క.)] ఉపేహిసి.

౨౪౨. అనుపుబ్బేన మేధావీ, థోకం థోకం ఖణే ఖణే;
కమ్మారో రజతస్సేన, నిద్దమే మలమత్తనో.

౨౪౩. అయసావ మలం సముట్ఠితం [సముట్ఠాయ (క.)], తతుట్ఠాయ [తదుట్ఠాయ (సీ. స్వా. పీ.)] తమేవ ఖాదతి;
ఏవం అతిథోనచారిసం, సాని కమ్మాని [సకకమ్మాని (సీ. పీ.)] నయన్తి దుగ్గతిం.

౨౪౪. అసజ్ఞాయమలా మంతా, అనుట్ఠానమలా ఘరా;
మలం వణ్ణస్స కోసజ్ఞం, పమాదో రక్ఖతో మలం.

౨౪౫. మలిత్థియా దుచ్చరితం, మచ్చేరం దదతో మలం;
మలా వే పాపకా ధమ్మా, అస్మిం లోకే పరమ్మి చ.

౨౪౬. తతో మలా మలతరం, అవిజ్ఞా పరమం మలం;
ఏతం మలం పహన్త్వాన, నిమ్మలా హోథ భిక్షవో.

౨౪౭. సుజీవం అహరికేన, కాకసూరేన ధంసినా;
పక్ఖన్దినా పగబ్బేన, సంకిలిట్టేన జీవితం.

౨౪౮. హిరీమతా చ దుజ్జీవం, నిచ్చం సుచిగవేసినా;

అలీనేనాప్పగట్టిన, సుద్ధాజీవేన పస్సతా.

౨౪౬.యో పాణమతిపాతేతి, ముసావాదఞ్చ భాసతి;
లోకే అదిన్నమాదియతి, పరదారఞ్చ గచ్ఛతి.

౨౪౭.సురామేరయపానఞ్చ, యో నరో అనుయుజ్జాతి;
ఇధేవమేసో లోకస్మిం, మూలం ఖణతి అత్తనో.

౨౪౮.ఏవం భో పురిస జానాహి, పాపథమ్మా అసజ్జాతా;
మా తం లోభో అధమ్మో చ, చిరం దుక్ఖాయ రన్ధయుం.

౨౪౯.దదాతి వే యథాసద్ధం, యథాపసాదనం [యత్త పసాదనం (కత్తచి)] జనే;
తత్త యో మజ్జు భవతి [తత్త చే మంకు యో హోతి (సీ.), తత్త యో మజ్జుతో హోతి (స్యా.)], పరేసం
పానభోజనే;
న సో దివా వా రత్తిం వా, సమాధిమధిగచ్ఛతి.

౨౫౦.యస్స చేతం సముచ్చిన్నం, మూలఘచ్చం [మూలఘచ్చం (క.)] సమూహతం;
స వే దివా వా రత్తిం వా, సమాధిమధిగచ్ఛతి.

౨౫౧.నత్తి రాగసమో అగ్గి, నత్తి దోససమో గహో;
నత్తి మోహసమం జాలం, నత్తి తడ్డాసమా నదీ.

౨౫౨.సుదస్సం వజ్జమఞ్ఞోసం, అత్తనో పన దుద్దసం;
పరేసం హి సో వజ్జాని, ఓపునాతి [ఓపునాతి (క.)] యథా భుసం;
అత్తనో పన ఛాదేతి, కలింవ కితవా సరో.

౨౫౩.పరవజ్జానుపస్సిస్స , నిచ్చం ఉజ్జానసఞ్ఞోనో;
ఆసవా తస్స వడ్డన్తి, ఆరా సో ఆసవక్ఖయా.

౨౫౪.ఆకాసేవ పదం నత్తి, సమణో నత్తి బాహిరే;
పపఞ్చాభిరతా పజా, నిప్పపఞ్చ తథాగతా.

౨౫౫.ఆకాసేవ పదం నత్తి, సమణో నత్తి బాహిరే;
సఙ్ఖారా సస్సతా నత్తి, నత్తి బుద్ధానమిజ్జోతం.

మలవగ్గో అట్టారసమో నిట్టితో.

౧౯. ధమ్మట్టవగ్గో

౨౦౬.న తేన హోతి ధమ్మట్టో, యేనత్తం సాహసా [సహసా (సీ. స్యా. క.)] నయే;
యో చ అత్తం అనత్తజ్ఞా, ఉభో నిచ్ఛేయ్య పణ్ణితో.

౨౦౭.అసాహసేన ధమ్మేన, సమేన నయతీ పరే;
ధమ్మస్స గుత్తో మేధావీ, “ధమ్మట్టో”తి పవుచ్చతి.

౨౦౮.న తేన పణ్ణితో హోతి, యావతా బహు భాసతి;
ఖేమీ అవేరీ అభయో, “పణ్ణితో”తి పవుచ్చతి.

౨౦౯.న తావతా ధమ్మధరో, యావతా బహు భాసతి;
యో చ అప్పమ్మి సుత్వాన, ధమ్మం కామేన పస్సతి;
స వే ధమ్మధరో హోతి, యో ధమ్మం నప్పమజ్జతి.

౨౧౦.న తేన థరో సో హోతి [థరో హోతి (సీ. స్యా.)], యేనస్స పలితం సిరో;
పరిపక్కో వయో తస్స, “మోఘజిణ్ణో”తి వుచ్చతి.

౨౧౧.యస్మి సచ్చజ్ఞా ధమ్మో చ, అహింసా సంయమో దమో;
స వే వన్తమలో ధీరో, “థరో” ఇతి [సో థరోతి (స్యా. క.)] పవుచ్చతి.

౨౧౨.న వాక్కరణమత్తేన, వణ్ణపోక్షరతాయ వా;
సాధురూపో నరో హోతి, ఇస్సుకీ మచ్చరీ సరో.

౨౧౩.యస్స చేతం సముచ్చిన్నం, మూలఘచ్చం సమూహతం;
స వన్తదోసో మేధావీ, “సాధురూపో”తి వుచ్చతి.

౨౧౪.న ముణ్ణకేన సమణో, అబ్బతో అలికం భణం;
ఇచ్ఛాలోభసమాపన్నో, సమణో కిం భవిస్సతి.

౨౧౫.యో చ సమేతి పాపాని, అణుం ధూలాని సబ్బసో;
సమితత్తా హి పాపానం, “సమణో”తి పవుచ్చతి.

౨౧౬.న తేన భిక్షు సో హోతి, యావతా భిక్షతే పరే;
విస్సం ధమ్మం సమాదాయ, భిక్షు హోతి న తావతా.

౨౬౭. యాధ పుష్కాఞ్చ పాపఞ్చ, బాహేత్వా బ్రహ్మచరియవా [బ్రహ్మచరియం (౧.)];

సజ్ఞాయ లోకే చరతి, స వే “భిక్షూ”తి వుచ్చతి.

౨౬౮. న మోనేన మునీ హోతి, మూఱ్హరూపో అవిద్ధసు;

యో చ తులంవ పగ్గయ్య, వరమాదాయ పణ్ణితో.

౨౬౯. పాపాని పరివజ్ఞేతి, స మునీ తేన నో ముని;

యో మునాతి ఉభో లోకే, “ముని” తేన పవుచ్చతి.

౨౭౦. న తేన అరియో హోతి, యేన పాణాని హింసతి;

అహింసా సబ్బపాణానం, “అరియో”తి పవుచ్చతి.

౨౭౧. న సీలబ్బతమత్తేన, బాహుసచ్చేన వా పన;

అథ వా సమాధిలాభేన, వివిత్తసయనేన వా.

౨౭౨. ఘసామి నేక్ఖమ్మసుఖం, అపుఢుజ్జనసేవితం;

భిక్షు విస్సాసమాపాది, అప్పత్తో ఆసవక్ఖయం.

ధమ్మట్టవగ్గో ఏకూనవీసతిమో నిట్టితో.

౨౦. మగ్గవగ్గో

౨౭౩. మగ్గానట్టజ్జికో సేట్టో, సచ్చానం చతురో పదా;

విరాగో సేట్టో ధమ్మానం, ద్విపదానశ్చ చక్షుమా.

౨౭౪. ఏసేవ [ఏసోవ (సీ. పీ.)] మగ్గో నత్తజ్ఞో, దస్సనస్స విసుద్ధియా;

ఏతజ్ఞో తుమ్హే పటిపజ్జథ, మారస్సేతం పమోహనం.

౨౭౫. ఏతజ్ఞో తుమ్హే పటిపన్నా, దుక్ఖస్సంతం కరిస్సథ;

అక్ఖాతో వో [అక్ఖాతో వే (సీ. పీ.)] మయా మగ్గో, అజ్ఞాయ సల్లకన్తనం [సల్లసన్తనం (సీ. పీ.), సల్లసత్తనం (స్యా.)].

౨౭౬. తుమ్హేహి కిచ్చమాతప్పం, అక్ఖాతారో తథాగతా;

పటిపన్నా పమోక్షన్తి, ఝాయినో మారబన్ధనా.

౨౭౭. “సబ్బే సజ్ఞారా అనిచ్ఛా”తి, యదా పజ్ఞాయ పస్సతి;

అథ నిబ్బిన్దతి దుక్ఖే, ఏస మగ్గో విసుద్ధియా.

౨౭౮. “సబ్బే సజ్ఞారా దుక్ఖా”తి, యదా పజ్ఞాయ పస్సతి;

అథ నిబ్బిన్దతి దుక్ఖే, ఏస మగ్గో విసుద్ధియా.

౨౭౯. “సబ్బే ధమ్మా అనత్తా”తి, యదా పజ్ఞాయ పస్సతి;

అథ నిబ్బిన్దతి దుక్ఖే, ఏస మగ్గో విసుద్ధియా.

౨౮౦. ఉట్టానకాలమ్మి అనుట్టహానో, యువా బలీ ఆలసియం ఉపేతో;

సంసన్నసజ్కప్పమనో [అసమ్పన్నసజ్కప్పమనో (క.)] కుసీతో, పజ్ఞాయ మగ్గం అలసో న విన్దతి.

౨౮౧. వాచానురక్ఠీ మనసా సుసంవుతో, కాయేన చ నాకుసలం కయిరా [అకుసలం న కయిరా (సీ. స్యా. కం. పీ.)];

ఏతే తయో కమ్మపథే వినోధయే, ఆరాధయే మగ్గమిసిప్పవేదితం.

౨౮౨. యోగా వే జాయతీ [జాయతే (కత్థచి)] భూరి, అయోగా భూరిసజ్ఞయో;

ఏతం ద్వేధాపథం ఇత్వా, భవాయ విభవాయ చ;

తథాత్తానం నివేసేయ్య, యథా భూరి పవడ్డతి.

౨౮౩. వనం చిన్దథ మా రుక్ఖం, వనతో జాయతే భయం;

ఛేత్వా వనశ్చ వనథశ్చ, నిబ్బనా హోథ భిక్షవో.

౨౮౪ యావ హి వనథో న చిజ్జతి, అణుమత్తోపి నరస్స నారిసు;

పటిబద్ధమనోవ [పటిబద్ధమనోవ (క.)] తావ నో, వచ్ఛో ఖీరపకోవ [ఖీరపానోవ (పి.)] మాతరి.

౨౮౫ ఉచ్చిన్న సినేహమత్తనో కుముదం సారదికంవ [పాణినా];

సంతిమగ్గమేవ బ్రూహాయ, నిబ్బానం సుగతేన దేసితం.

౨౮౬ ఇథ వస్సం వసిస్సామి, ఇథ హేమంతగిమ్హిసు;

ఇతి బాలో విచింతేతి, అంతరాయం న బుజ్జతి.

౨౮౭ తం పుత్తపసుసమ్మత్తం, బ్యాసత్తమనసం నరం;

సుత్తం గామం మహోఘోవ, మచ్చు ఆదాయ గచ్ఛతి.

౨౮౮ న సంతి పుత్తా తాణాయ, న పితా నాపి బద్ధవా;

అంతకేనాధిపన్నస్స, నత్తి ఇహోతీసు తాణతా.

౨౮౯ ఏతమత్థవసం ఇత్వా, పణ్ణితో సీలసంవుతో;

నిబ్బానగమనం మగ్గం, ఖిప్పమేవ వినోధయే.

మగ్గవగ్గో వీసతిమో నిట్టితో.

౨౧. పకిణ్ణకవగ్గో

౨౯౦.మత్తాసుఖపరిచ్ఛాగా , పస్సే చే విపులం సుఖం;

చజే మత్తాసుఖం ధీరో, సమ్మస్సం విపులం సుఖం.

౨౯౧.పరదుక్ఖాపధానేన, అత్తనో [యో అత్తనో (స్యా. పీ. క.)] సుఖమిచ్ఛతి;

వేరసంసగ్గసంసత్తో, వేరా సో న పరిముచ్ఛతి.

౨౯౨.యత్థో కిచ్ఛం అపవిద్ధం [తదపవిద్ధం (సీ. స్యా.)], అకిచ్ఛం పన కయిరతి;

ఉన్నఘానం పమత్తానం, తేసం వడ్డన్తి ఆసవా.

౨౯౩.యేసఞ్చ సుసమారద్ధా, నిచ్ఛం కాయగతా సతి;

అకిచ్ఛం తే న సేవన్తి, కిచ్ఛే సాతచ్ఛకారినో;

సతానం సమ్మజానానం, అత్థం గచ్ఛన్తి ఆసవా.

౨౯౪.మాతరం పితరం హన్త్వా, రాజానో ద్వే చ ఖత్తియే;

రత్థం సానుచరం హన్త్వా, అనీఘో యాతి బ్రాహ్మణో.

౨౯౫.మాతరం పితరం హన్త్వా, రాజానో ద్వే చ సోత్తియే;

వేయగ్గపఞ్చమం హన్త్వా, అనీఘో యాతి బ్రాహ్మణో.

౨౯౬.సుప్పబుద్ధం పబుజ్ఞన్తి, సదా గోతమసావకా;

యేసం దివా చ రత్తో చ, నిచ్ఛం బుద్ధగతా సతి.

౨౯౭.సుప్పబుద్ధం పబుజ్ఞన్తి, సదా గోతమసావకా;

యేసం దివా చ రత్తో చ, నిచ్ఛం ధమ్మగతా సతి.

౨౯౮.సుప్పబుద్ధం పబుజ్ఞన్తి, సదా గోతమసావకా;

యేసం దివా చ రత్తో చ, నిచ్ఛం సజ్ఞగతా సతి.

౨౯౯.సుప్పబుద్ధం పబుజ్ఞన్తి, సదా గోతమసావకా;

యేసం దివా చ రత్తో చ, నిచ్ఛం కాయగతా సతి.

౩౦౦.సుప్పబుద్ధం పబుజ్ఞన్తి, సదా గోతమసావకా;

యేసం దివా చ రత్తో చ, అహింసాయ రతో మనో.

300. సుప్పబుద్ధం పబుజ్ఞన్తి, సదా గోతమసావకా;
యేసం దివా చ రత్తో చ, భావనాయ రతో మనో.

301. దుప్పబ్బజ్జం దురభిరమం, దురావాసా ఘరా దుఖా;
దుక్ఖోసమానసంవాసో, దుక్ఖానుపతితద్ధగూ;
తస్మా న చద్ధగూ సియా, న చ [తస్మా న చద్ధగూ న చ (క.)] దుక్ఖానుపతితో సియా [దుక్ఖానుపాతితో (?)].

303. సద్ధో సీలేన సమ్పన్నో, యసోభోగసమప్పితో;
యం యం పదేసం భజతి, తత్త తత్తేవ పూజితో.

304. దూరే సన్తో పకాసేన్తి, హిమవన్తోవ పబ్బతో;
అసన్తేత్థ న దిస్సన్తి, రత్తిం ఖిత్తా యథా సరా.

305. ఏకాసనం ఏకసేయ్యం, ఏకో చరమతన్దితో;
ఏకో దమయమత్తానం, వనన్తే రమితో సియా.

పకిణ్ణకవగ్గో ఏకవీసతిమో నిట్టితో.

౨౨. నిరయవగ్గో

౩౦౬. అభూతవాదీ నిరయం ఉపేతి, యో వాపి [యో చాపి (సీ. పీ. క.)] కత్వా న కరోమి చాహ [న కరోమీతి చాహ (స్యా.)];

ఉభోపి తే పేచ్చ సమా భవంతి, నిహీనకమ్మా మనుజా పరత్త.

౩౦౭. కాసావకణ్ఠా బహవో, పాపథమ్మా అసజ్జతా;

పాపా పాపేహి కమ్మేహి, నిరయం తే ఉపపజ్జరే.

౩౦౮. సేయ్యో అయోగుళో భుత్తో, తత్తో అగ్గిసిఖూపమో;

యశ్చో భుజ్జోయ్య దుస్సీలో, రట్టపిణ్ణమసజ్జతో.

౩౦౯. చత్తారి రానాని నరో పమత్తో, ఆపజ్జతి పరదారూపసేవీ;

అపుజ్జాలాభం న నికామసేయ్యం, నిన్దం తతీయం నిరయం చతుత్థం.

౩౧౦. అపుజ్జాలాభో చ గతీ చ పాపికా, భీతస్స భీతాయ రతీ చ ధోకికా;

రాజా చ దణ్డం గరుకం పణేతి, తస్మా నరో పరదారం న సేవే.

౩౧౧. కుసో యథా దుగ్గహితో, హత్తమేవానుకంతతి;

సామజ్ఞం దుప్పరామట్టం, నిరయాయుపకడ్డతి.

౩౧౨. యం కిశ్చీ సిథిలం కమ్మం, సంకిలీట్టణ్ణ యం వతం;

సజ్కస్సరం బ్రహ్మచరియం, న తం హోతి మహప్పలం.

౩౧౩. కయిరా చే కయిరాధేనం [కయిరా నం (క.)], దళ్లమేనం పరక్కమే;

సిథిలో హి పరిబ్బాజో, భియ్యో ఆకిరతే రజం.

౩౧౪. అకతం దుక్కటం సేయ్యో, పచ్చా తప్పతి దుక్కటం;

కతణ్ణ సుకతం సేయ్యో, యం కత్వా నానుతప్పతి.

౩౧౫. నగరం యథా పచ్చంతం, గుత్తం సంతరబాహిరం;

ఏవం గోపేథ అత్తానం, ఖణో వో [ఖణో వే (సీ. పీ. క.)] మా ఉపచ్చగా;

ఖణాతీతా హి సోచంతి, నిరయమ్హి సమప్పితా.

౩౧౬. అలజ్జితాయే లజ్జంతి, లజ్జితాయే న లజ్జరే;

మిచ్చాదిట్టిసమాదానా, సత్తా గచ్చన్తి దుగ్గతిం.

౩౧౭. అభయే భయదస్సినో, భయే చాభయదస్సినో;
మిచ్చాదిట్టిసమాదానా, సత్తా గచ్చన్తి దుగ్గతిం.

౩౧౮. అవజ్ఞే వజ్జమతిసో, వజ్ఞే చావజ్జదస్సినో;
మిచ్చాదిట్టిసమాదానా, సత్తా గచ్చన్తి దుగ్గతిం.

౩౧౯. వజ్జఇచ్చ వజ్జతో ఇత్థా, అవజ్జఇచ్చ అవజ్జతో;
సమ్మాదిట్టిసమాదానా, సత్తా గచ్చన్తి సుగ్గతిం.

నిరయవగ్గో ద్వావీసతిమో నిట్టితో.

౨౩. నాగవగ్గో

౩౨౦. అహం నాగోవ సజ్ఞామే, చాపతో పతితం సరం;
అతివాక్యం తితిక్ష్ఠిస్సం, దుస్సీలో హి బహుజ్ఞన్.

౩౨౧. దన్తం నయన్తి సమితిం, దన్తం రాజాభిరూహతి;
దన్తో సేట్థో మనుస్సేసు, యోతివాక్యం తితిక్ష్ఠి.

౩౨౨. వరమస్సతరా దన్తా, ఆజానీయా చ [ఆజానీయావ (స్యా.)] సిన్ధవా;
కుజ్జరా చ [కుజ్జరావ (స్యా.)] మహానాగా, అత్తదన్తో తతో వరం.

౩౨౩. న హి ఏతేహి యానేహి, గచ్ఛేయ్య అగతం దిసం;
యథాత్తనా సుదన్తేన, దన్తో దన్తేన గచ్ఛతి.

౩౨౪. ధనపాలో [ధనపాలకో (సీ. స్యా. కం. పీ.)] నామ కుజ్జరో, కటుకభేదనో [కటుకప్పభేదనో (సీ. స్యా. పీ.)]
దున్నివారయో;
బద్ధో కబళం న భుజ్జతి, సుమరతి [సుసరతి (క.)] నాగవనస్స కుజ్జరో.

౩౨౫. మిద్ధీ యదా హోతి మహ్వసో చ, నిద్ధాయితా సమ్మరివత్తసాయీ;
మహావరాహోవ నివాపపుట్టో, పునప్పునం గబ్బముపేతి మన్తో.

౩౨౬. ఇదం పురే చిత్తమచారి చారికం, యేనిచ్చకం యత్తకామం యథాసుఖం;
తదజ్ఞహం నిగ్గహస్సామి యోనినో, హత్తిప్పభిన్నం వియ అజ్కసగ్గహో.

౩౨౭. అప్పమాదరతా హోథ, సచిత్తమనురక్ఖథ;
దుగ్గా ఉద్ధరథత్తానం, పజ్జే సన్నోవ [సత్తోవ (సీ. పీ.)] కుజ్జరో.

౩౨౮. సచే లభేథ నిపకం సహాయం, సద్ధిం చరం సాధువిహారిధీరం;
అభిభుయ్య సబ్బాని పరిస్సయాని, చరేయ్య తేనత్తమనో సతీమా.

౩౨౯. నో చే లభేథ నిపకం సహాయం, సద్ధిం చరం సాధువిహారిధీరం;
రాజావ రట్టం విజితం పహాయ, ఏకో చరే మాతజ్గరజ్జోవ నాగో.

౩౩౦. ఏకస్స చరితం సేయ్యా, నత్తి బాలే సహాయతా;
ఏకో చరే న చ పాపాని కయిరా, అప్పొస్సుక్కో మాతజ్గరజ్జోవ నాగో.

330. అత్తమ్మి జాతమ్మి సుఖా సహాయా, తుట్టి సుఖా యా ఇతరీతరేన;
పుణ్ణం సుఖం జీవితసజ్జయమ్మి, సబ్బస్స దుక్ఖస్స సుఖం పహానం.

331. సుఖా మత్తేయ్యతా లోకే, అథో పేత్తేయ్యతా సుఖా;
సుఖా సామణ్ణతా లోకే, అథో బ్రహ్మణ్ణతా సుఖా.

332. సుఖం యావ జరా సీలం, సుఖా సద్ధా పతిట్టితా;
సుఖో పణ్ణాయ పటిలాభో, పాపానం అకరణం సుఖం.

నాగవగ్గో తేవీసతిమో నిట్టితో.

౨౪. తణ్డావగ్గో

౩౩౪. మనుజుస్స పమత్తచారిణో, తణ్డా వడ్డతి మాలువా వియ;

సో ప్లవతీ [ప్లవతి (సి. పీ.), పలవతీ (క.), ఉప్లవతి (?)] హురా హురం, ఫలమిచ్చంవ వనస్మి వానరో.

౩౩౫. యం ఏసా సహతే జమ్మీ, తణ్డా లోకే విసత్తికా;

సోకా తస్స పవడ్డన్తి, అభివట్టంవ [అభివడ్డంవ (స్యా.), అభివట్టంవ (పీ.), అభివుడ్డంవ (క.)] బీరణం.

౩౩౬. యో చేతం సహతే జమ్మిం, తణ్డాం లోకే దురచ్ఛయం;

సోకా తమ్మా పపత్తిన్తి, ఉదబిన్దువ పోక్ఖరా.

౩౩౭. తం వో వదామి భద్దం వో, యావన్నేత్థ సమాగతా;

తణ్డాయ మూలం ఖణధ, ఉసీరత్తోవ బీరణం;

మా వో నళంవ సోతోవ, మారో భజ్జో పునప్పునం.

౩౩౮. యథాపి మూలే అనుపద్దవే దళ్ళే, చిన్నోపి రుక్ఖో పునరేవ రూహతి;

ఏవమ్మి తణ్డానుసయే అనూహతే, నిబ్బత్తతీ దుక్ఖమిదం పునప్పునం.

౩౩౯. యస్స ఛత్తింసతి సోతా, మనాపసవనా భుసా;

మాహా [వాహా (సి. స్యా. పీ.)] వహన్తి దుద్దిట్టిం, సజ్కప్పా రాగనిస్సితా.

౩౪౦. సవన్తి సబ్బధి సోతా, లతా ఉప్పజ్జ [ఉబ్బిజ్జ (సి. స్యా. కం. పీ.)] తిట్టతి;

తళ్ళా దిస్సా లతం జాతం, మూలం పణ్ణాయ చిన్దధ.

౩౪౧. సరితాని సినేహితాని చ, సోమనస్సాని భవన్తి జన్తునో;

తే సాతసితా సుఖేసిసో, తే వే జాతిజరూపగా నరా.

౩౪౨. తసిణాయ పురక్ఖతా పజా, పరిసప్పన్తి ససోవ బద్ధితో [బాధితో (బహూసు)];

సంయోజనసఙ్గసత్తకా, దుక్ఖముపేన్తి పునప్పునం చిరాయ.

౩౪౩. తసిణాయ పురక్ఖతా పజా, పరిసప్పన్తి ససోవ బద్ధితో;

తస్మా తసిణం వినోదయే, ఆకఙ్ఖన్తి [భిక్ఖా ఆకఙ్ఖీ (సి.), భిక్ఖు ఆకఙ్ఖం (స్యా.)] విరాగమత్తనో.

౩౪౪. యో నిబ్బనథో వనాధిముత్తో, వనముత్తో వనమేవ ధావతి;

తం పుగ్గలమేథ పస్సథ, ముత్తో బన్ధనమేవ ధావతి.

౩౪౫.న తం దళ్లం బన్దనమాహు ధీరా, యదాయసం దారుజపబ్బజిచ్చ [దారూజం బబ్బజిచ్చ (సీ. పీ.)];

సారత్తరత్తా మణికుణ్డలేసు, పుత్తేసు దారేసు చ యా అపేక్షా.

౩౪౬.ఏతం దళ్లం బన్దనమాహు ధీరా, ఓహరినం సిథిలం దుప్పముచ్చం;

ఏతమ్మి ఛేత్వాన పరిబ్బజన్తి, అనపేక్షినో కామసుఖం పహాయ.

౩౪౭.యే రాగరత్తానుపతన్తి నోతం, సయంకతం మక్కటకోవ జాలం;

ఏతమ్మి ఛేత్వాన వజన్తి ధీరా, అనపేక్షినో సబ్బదుక్షం పహాయ.

౩౪౮.ముచ్చ పురే ముచ్చ పచ్చతో, మజ్జే ముచ్చ భవస్స పారగూ;

సబ్బత్త విముత్తమానసో, న పునం జాతిజరం ఉపేహిసి.

౩౪౯.వితక్కమథితస్స జన్తునో, తిబ్బరాగస్స సుభానుపస్సినో;

భియ్యో తణ్ణా పవడ్డతి, ఏస ఖో దళ్లం [ఏస గాళ్లం (క.)] కరోతి బన్దనం.

౩౫౦.వితక్కూపసమే చ [వితక్కూపసమేవ (క.)] యో రతో, అసుభం భావయతే సదా సతో;

ఏస [ఏసో (?)] ఖో బ్బన్తి కాహితి, ఏస [ఏసో (?)] ఛేచ్చతి మారబన్దనం.

౩౫౧.నిట్టజ్ఞతో అసన్తాసీ, వీతతణ్ణో అనగ్గణో;

అచ్చిన్ది భవసల్లాని, అన్తిమోయం సముస్సయో.

౩౫౨.వీతతణ్ణో అనాదానో, నిరుత్తిపదకోవిదో;

అక్ఖరానం సన్నిపాతం, జణ్ణా పుబ్బాపరాని చ;

స వే “అన్తిమసారీరో, మహాపణ్ణో మహాపురిసో”తి వుచ్చతి.

౩౫౩.సబ్బాభిభూ సబ్బవిదూహమస్మి, సబ్బేసు ధమ్మేసు అనూపలిత్తో;

సబ్బజ్ఞాహో తణ్ణక్ఖయే విముత్తో, సయం అభిజ్ఞాయ కముద్ధిసేయ్యం.

౩౫౪.సబ్బదానం ధమ్మదానం జినాతి, సబ్బరసం ధమ్మరసో జినాతి;

సబ్బరతిం ధమ్మరతి జినాతి, తణ్ణక్ఖయో సబ్బదుక్షం జినాతి.

౩౫౫.హనన్తి భోగా దుమ్మేధం, నో చ పారగవేసినో;

భోగతణ్ణాయ దుమ్మేధో, హన్తి అజ్ఞోవ అత్తనం.

౩౫౬.తిణదోసాని ఖేత్తాని, రాగదోసా అయం పజా;

తస్మా హి వీతరాగేసు, దిన్నం హోతి మహప్పలం.

౩౦౭. తిణదోసాని ఖేత్తాని, దోసదోసా అయం పజా;

తస్మా హి వీతదోసేసు, దిన్నం హోతి మహప్పలం.

౩౦౮. తిణదోసాని ఖేత్తాని, మోహదోసా అయం పజా;

తస్మా హి వీతమోహేసు, దిన్నం హోతి మహప్పలం.

౩౦౯. (తిణదోసాని ఖేత్తాని, ఇచ్ఛాదోసా అయం పజా;

తస్మా హి విగతిచ్ఛేసు, దిన్నం హోతి మహప్పలం.) [() విదేసపోత్థకేసు నత్తి, అట్టకథాయమ్మి న దిస్సతి]

తిణదోసాని ఖేత్తాని, తణ్ణాదోసా అయం పజా;

తస్మా హి వీతతణ్ణేసు, దిన్నం హోతి మహప్పలం.

తణ్ణావగ్గో చతువీసతిమో నిట్టితో.

౨౫. భిక్షువగ్గో

౩౬౦. చక్షునా సంవరో సాధు, సాధు సోతేన సంవరో;
ఘానేన సంవరో సాధు, సాధు జిహ్వాన సంవరో.

౩౬౧. కాయేన సంవరో సాధు, సాధు వాచాయ సంవరో;
మనసా సంవరో సాధు, సాధు సబ్బత్థ సంవరో;
సబ్బత్థ సంవుతో భిక్షు, సబ్బదుక్ఖా పముచ్చతి.

౩౬౨. హత్థసంయతో పాదసంయతో, వాచాసంయతో సంయతుత్తమో;
అజ్ఞత్తరతో సమాహితో, ఏకో సన్తుసితో తమాహు భిక్షుం.

౩౬౩. యో ముఖసంయతో భిక్షు, మంత్రభాణీ అనుద్ధతో;
అత్థం ధమ్మశ్చ దీపేతి, మధురం తస్య భాసితం.

౩౬౪. ధమ్మారామో ధమ్మరతో, ధమ్మం అనువిచింతయం;
ధమ్మం అనుస్సరం భిక్షు, సద్ధమ్మా న పరిహయతి.

౩౬౫. సలాభం నాతిమజ్జోయ్య, నాజ్ఞోసం పిహయం చరే;
అజ్ఞోసం పిహయం భిక్షు, సమాధిం నాధిగచ్ఛతి.

౩౬౬. అప్పలాభోపి చే భిక్షు, సలాభం నాతిమజ్జతి;
తం వే దేవా పసంసన్తి, సుద్ధాజీవిం అతన్దితం.

౩౬౭. సబ్బసో నామరూపస్మిం, యస్స నత్తి మమాయితం;
అసతా చ న సోచతి, స వే “భిక్షా”తి వుచ్చతి.

౩౬౮. మేత్తావిహారీ యో భిక్షు, పసన్నో బుద్ధసాసనే;
అధిగచ్ఛే పదం సంతం, సజ్ఞారూపసమం సుఖం.

౩౬౯. సిద్ధా భిక్షు ఇమం నావం, సిత్తా తే లహుమేస్సతి;
ఛేత్వా రాగశ్చ దోషశ్చ, తతో నిబ్బానమేహిసి.

౩౭౦. పశ్చా చిన్దే పశ్చా జహీ, పశ్చా చుత్తరి భావయే;
పశ్చా సజ్ఞాతిగో భిక్షు, “ఓఘతిణ్ణో”తి వుచ్చతి.

౩౭౧. ఝాయ భిక్తు [ఝాయ తువం భిక్తు (?)] మా పమాదో [మా చ పమాదో (సీ. స్యా. పీ.)], మా తే కామగుణే
రమేస్సు [భమస్సు (సీ. పీ.), భవస్సు (స్యా.), రమస్సు (క.)] చిత్తం;
మా లోహగుళం గిలీ పమత్తో, మా కన్ది “దుక్ష్మమిద”న్తి డయ్యమానో.

౩౭౨. నత్తి ఝానం అపజ్ఞాస్సు, పజ్ఞా నత్తి అఝాయతో [అజ్ఞాయినో (క.)];
యమ్హి ఝానజ్ఞా పజ్ఞా చ, స వే నిబ్బానసన్తికే.

౩౭౩. సుజ్ఞాగారం పవిట్టస్సు, సన్తచిత్తస్సు భిక్కునో;
అమానుసీ రతి హోతి, సమ్మా ధమ్మం విపస్సతో.

౩౭౪. యతో యతో సమ్మసతి, ఖిన్దానం ఉదయబ్బయం;
లభతీ [లభతి (పీ.), లభతే (క.)] పీతిపామోజ్జం, అమతం తం విజానతం.

౩౭౫. తత్తాయమాది భవతి, ఇథ పజ్ఞాస్సు భిక్కునో;
ఇన్ద్రియగుత్తి సన్తుట్టి, పాతిమోక్షే చ సంవరో.

౩౭౬. మిత్తే భజస్సు కల్యాణే, సుద్ధాజీవే అతన్దితే;
పటిసన్ధారపుత్తస్సు [పటిసన్ధారపుత్తస్సు (క.)], ఆచారకుసలో సీయా;
తతో పామోజ్జబహులో, దుక్ఖస్సన్తం కరిస్సతి.

౩౭౭. వస్సీకా వియ పుప్పాని, మద్దవాని [మజ్జవాని (క. టీకా) పచ్చవాని (క. అట్ట.)] పముఞ్చతి;
ఏవం రాగఞ్చ దోసఞ్చ, విప్పముఞ్చోథ భిక్ఖవో.

౩౭౮. సన్తకాయో సన్తవాచో, సన్తవా సుసమాహితో [సన్తమనో సుసమాహితో (స్యా. పీ.), సన్తమనో సమాహితో (క.)];
వన్తలోకామినో భిక్కు, “ఉపసన్తో”తి వుచ్చతి.

౩౭౯. అత్తనా చోదయత్తానం, పటిమంసేథ అత్తనా [పటిమాసే అత్తమత్తనా (సీ. పీ.), పటిమంసే తమత్తనా (స్యా.)];
సో అత్తగుత్తో సతిమా, సుఖం భిక్కు విహాసి.

౩౮౦. అత్తా హి అత్తనో నాథో, (కో హి నాథో పరో సీయా) [() విదేసపోత్థకేసు నత్తి]
అత్తా హి అత్తనో గతి;
తస్మా సంయమమత్తానం [సంయమయ'త్తానం (సీ. పీ.)], అస్సం భద్రంవ వాణిజో.

౩౮౧. పామోజ్జబహులో భిక్కు, పసన్నో బుద్ధసాసనే;
అధిగచ్ఛే పదం సన్తం, సజ్ఞారూపసమం సుఖం.

౩౮౨.యో హవే దహరో భిక్షు, యుజ్జతి బుద్ధసాసనే;

సోమం [సో ఇమం (సీ. స్యా. కం. పీ.)] లోకం పభాసేతి, అబ్భా ముత్తోవ చన్దిమా.

భిక్షువగ్గో పశ్చావీసతిమో నిట్ఠితో.

౨౬. బ్రాహ్మణవగ్గో

౩౮౩. చిన్ద నోతం పరక్కమ్మ, కామే పనుద బ్రాహ్మణ;
సఙ్ఖారానం ఖయం ఇత్వా, అకతఙ్గాసి బ్రాహ్మణ.

౩౮౪. యదా ద్వయేసు ధమ్మేసు, పారగూ హోతి బ్రాహ్మణో;
అథస్స సట్టే సంయోగా, అత్థం గచ్ఛన్తి జానతో.

౩౮౫. యస్స పారం అపారం వా, పారాపారం న విజ్ఞతి;
వీతద్దరం విసంయుత్తం, తమహం బ్రూమి బ్రాహ్మణం.

౩౮౬. ఝూయిం విరజమాసీనం, కతకిచ్చమనాసవం;
ఉత్తమత్థమనుప్పత్తం, తమహం బ్రూమి బ్రాహ్మణం.

౩౮౭. దివా తపతి ఆదిచ్ఛో, రత్తిమాభాతి చన్దిమా;
సన్నద్ధో ఖత్తియో తపతి, ఝూయీ తపతి బ్రాహ్మణో;
అథ సబ్బమహోరత్తిం [సబ్బమహోరత్తం (?)], బుద్ధో తపతి తేజసా.

౩౮౮. బాహితపాపోతి బ్రాహ్మణో, సమచరియా సమణోతి వుచ్చతి;
పబ్బాజయమత్తనో మలం, తస్మా “పబ్బజితో”తి వుచ్చతి.

౩౮౯. న బ్రాహ్మణస్స పహరేయ్య, నాస్స ముఞ్చోథ బ్రాహ్మణో;
థీ [థి (స్యా. బ్యాకరణేసు)] బ్రాహ్మణస్స హంతారం, తతో థీ యస్స [యో + అస్స = యస్స] ముఞ్చతి.

౩౯౦. న బ్రాహ్మణస్సేతదకిఞ్చే సేయ్యా, యదా నిసేథో మనసో పియేహి;
యతో యతో హింసమనో నివత్తతి, తతో తతో సమ్మతిమేవ దుక్ఖం.

౩౯౧. యస్స కాయేన వాచాయ, మనసా నత్తి దుక్కటం;
సంవుతం తీహి రానేహి, తమహం బ్రూమి బ్రాహ్మణం.

౩౯౨. యష్టా ధమ్మం విజానేయ్య, సమ్మాసమ్మద్ధదేసితం;
సక్కచ్చం తం నమస్సేయ్య, అగ్గిహుత్తంవ బ్రాహ్మణో.

౩౯౩. న జటాహి న గోత్తేన, న జద్దా హోతి బ్రాహ్మణో;
యష్ఠి సచ్చశ్చా ధమ్మో చ, సో సుచీ సో చ బ్రాహ్మణో.

౩౯౪. కిం తే జటాహి దుమ్మేధ, కిం తే అజినసాటియా;

అబ్బంతరం తే గహనం, బాహిరం పరిమజ్జసి.

౩౯౫. పంసుకూలధరం జన్తుం, కిసం ధమనిసన్ధతం;

ఏకం వనస్మిం ఝాయన్తం, తమహం బ్రూమి బ్రాహ్మణం.

౩౯౬. న చాహం బ్రాహ్మణం బ్రూమి, యోనిజం మత్తిసమ్భవం;

భోవాది నామ సో హోతి, సచే హోతి సకిఞ్చనో;

అకిఞ్చనం అనాదానం, తమహం బ్రూమి బ్రాహ్మణం.

౩౯౭. సబ్బసంయోజనం ఛేత్వా, యో వే న పరితస్సతి;

సఙ్గాతిగం విసంయుత్తం, తమహం బ్రూమి బ్రాహ్మణం.

౩౯౮. ఛేత్వా నద్ధిం [నన్ధిం (క. సీ.), నన్ధిం (పీ.)] వరత్తఞ్చ, సన్ధానం [సన్ధామం (సీ.)] సహనుక్కమం;

ఉక్కిత్తపలిఘం బుద్ధం, తమహం బ్రూమి బ్రాహ్మణం.

౩౯౯. అక్కోసం వధబన్ధఞ్చ, అదుట్టో యో తిత్తిత్థతి;

ఖన్తిబలం బలానీకం, తమహం బ్రూమి బ్రాహ్మణం.

౪౦౦. అక్కోధనం వతవన్తం, సీలవన్తం అనుస్సదం;

దన్తం అన్తిమసారీరం, తమహం బ్రూమి బ్రాహ్మణం.

౪౦౧. వారి పోక్ఖరపత్తేవ, ఆరగ్గేరివ సాసపో;

యో న లిమ్పతి [లిమ్పతి (సీ. పీ.)] కామేసు, తమహం బ్రూమి బ్రాహ్మణం.

౪౦౨. యో దుక్ఖస్స పజానాతి, ఇథేవ ఖయమత్తనో;

పన్నభారం విసంయుత్తం, తమహం బ్రూమి బ్రాహ్మణం.

౪౦౩. గమ్భీరపఞ్ఞం మేధావిం, మగ్గామగ్గస్స కోవిదం;

ఉత్తమత్థమనుప్పత్తం, తమహం బ్రూమి బ్రాహ్మణం.

౪౦౪. అసంసత్థం గహట్ఠేహి, అనాగారేహి చూభయం;

అనేకసారిమప్పిచ్చం, తమహం బ్రూమి బ్రాహ్మణం.

౪౦౫. నిధాయ దణ్డం భూతేసు, తసేసు థావరేసు చ;

యో న హన్తి న ఘాతేతి, తమహం బ్రూమి బ్రాహ్మణం.

౪౦౬.అవిరుద్ధం విరుద్ధేసు, అత్తదణ్ణేసు నిబ్బుతం;
సాదానేసు అనాదానం, తమహం బ్రూమి బ్రాహ్మణం.

౪౦౭.యస్స రాగో చ దోషో చ, మానో మక్తో చ పాతితో;
సాసపోరివ ఆరగ్గా [ఆరగ్గే (క.)], తమహం బ్రూమి బ్రాహ్మణం.

౪౦౮.అకక్కసం విజ్ఞాపనిం, గిరం సచ్చముదీరయే;
యాయ నాభిసజే కఞ్చి [కిఞ్చి (క.)], తమహం బ్రూమి బ్రాహ్మణం.

౪౦౯.యోధ దీఘం వ రస్సం వా, అణుం ధూలం సుభాసుభం;
లోకే అదిన్నం నాదియతి [నాదేతి (మ. ని. ౨.౪౨౯)], తమహం బ్రూమి బ్రాహ్మణం.

౪౧౦.ఆసా యస్స న విజ్ఞన్తి, అస్మిం లోకే పరమ్మి చ;
నిరాసాసం [నిరాసయం (సి. స్యా. పీ.), నిరాసకం (?)] విసంయుత్తం, తమహం బ్రూమి బ్రాహ్మణం.

౪౧౧.యస్సాలయా న విజ్ఞన్తి, అజ్ఞాయ అకథంకథీ;
అమతోగధమనుప్పత్తం, తమహం బ్రూమి బ్రాహ్మణం.

౪౧౨.యోధ పుజ్జాఞ్చ పాపఞ్చ, ఉభో సఙ్గముపచ్చగా;
అసోకం విరజం సుద్ధం, తమహం బ్రూమి బ్రాహ్మణం.

౪౧౩.చన్దంవ విమలం సుద్ధం, విప్పసన్నమనావిలం;
నన్దీభవపరిక్ష్ణీణం, తమహం బ్రూమి బ్రాహ్మణం.

౪౧౪.యోమం [యో ఇమం (సి. స్యా. కం. పీ.)] పలిపథం దుగ్గం, సంసారం మోహమచ్చగా;
తిణ్ణో పారగతో [పారగతో (సి. స్యా. కం. పీ.)] ఝూయీ, అనేజో అకథంకథీ;
అనుపాదాయ నిబ్బుతో, తమహం బ్రూమి బ్రాహ్మణం.

౪౧౫.యోధ కామే పహన్త్వాన [పహత్వాన (సి. పీ.)], అనాగారో పరిబ్బజే;
కామభవపరిక్ష్ణీణం, తమహం బ్రూమి బ్రాహ్మణం [ఇదం గాఢాద్వయం విదేసపోత్థకేసు సకిదేవ దస్సితం].

౪౧౬.యోధ తణ్ణం పహన్త్వాన, అనాగారో పరిబ్బజే;
తణ్ణాభవపరిక్ష్ణీణం , తమహం బ్రూమి బ్రాహ్మణం.

౪౧౭.హిత్వా మానుసకం యోగం, దిబ్బం యోగం ఉపచ్చగా;
సబ్బయోగవిసంయుత్తం, తమహం బ్రూమి బ్రాహ్మణం.

౪౧౮.హిత్యా రతిశ్చ అరతిశ్చ, సీతిభూతం నిరూపధి;
సబ్బలోకాభిభుం వీరం, తమహం బ్రూమి బ్రాహ్మణం.

౪౧౯.చుతిం యో వేది సత్తానం, ఉపపత్తిశ్చ సబ్బసో;
అసత్తం సుగతం బుద్ధం, తమహం బ్రూమి బ్రాహ్మణం.

౪౨౦.యస్స గతిం న జానంతి, దేవా గద్ధబ్బమానుసా;
ఖీణాసవం అరహంతం, తమహం బ్రూమి బ్రాహ్మణం.

౪౨౧.యస్స పురే చ పచ్ఛా చ, మజ్ఞే చ నత్తి కిశ్చనం;
అకిశ్చనం అనాదానం, తమహం బ్రూమి బ్రాహ్మణం.

౪౨౨.ఉసభం పవరం వీరం, మహేసిం విజితావినం;
అనేజం స్థాతకం [నహతకం (సీ. స్యా. కం పీ.)] బుద్ధం, తమహం బ్రూమి బ్రాహ్మణం.

౪౨౩.పుట్టేనివాసం యో వేది, సగ్గాపాయశ్చ పస్సతి,
అథో జాతిక్షయం పత్తో, అభిజ్ఞావోసితో ముని;
సబ్బవోసితవోసానం, తమహం బ్రూమి బ్రాహ్మణం.

బ్రాహ్మణవగ్గో ఛర్మీసతిమో నిట్టితో.

(ఏత్తావతా సబ్బపరమే యమకవగ్గే చుద్దస వత్థూని, అప్పమాదవగ్గే నవ, చిత్తవగ్గే నవ, పుప్పవగ్గే ద్వాదస, బాలవగ్గే పన్నరస, పణ్ణితవగ్గే ఏకాదస, అరహంతవగ్గే దస, సహస్సవగ్గే చుద్దస, పాపవగ్గే ద్వాదస, దణ్ణవగ్గే ఏకాదస, జరావగ్గే నవ, అత్తవగ్గే దస, లోకవగ్గే ఏకాదస, బుద్ధవగ్గే నవ [అట (క.)], సుఖవగ్గే అట, పియవగ్గే నవ, కోధవగ్గే అట, మలవగ్గే ద్వాదస, ధమ్మటవగ్గే దస, మగ్గవగ్గే ద్వాదస, పకిణ్ణకవగ్గే నవ, నిరయవగ్గే నవ, నాగవగ్గే అట, తణ్ణావగ్గే ద్వాదస, భిక్షువగ్గే ద్వాదస, బ్రాహ్మణవగ్గే చత్తాలీసాతి పశ్చాద్ధికాని తీణి వత్తుసతాని.

సతేవీసచతుస్సతా, చతుసచ్చవిభావినా;

సతత్తయశ్చ వత్థూనం, పశ్చాద్ధికం సముట్టితాతి) [() ఏత్తంతరే పాఠో విదేసపోత్థకేసు నత్తి, అటకథాసుయేవ దిస్సతి].

[ధమ్మపదస్స వగ్గస్సుద్ధానంస్యయమకం పమాదం చిత్తం, పుప్పం బాలశ్చ పణ్ణితం.క్రిరహంతం సహస్సం పాపం, దణ్ణం జరా అత్తలోకం.క్రిబుద్ధం సుఖం పియం కోధం, మలం ధమ్మటమగ్గశ్చ.క్రిపకిణ్ణకం నిరయం నాగం, తణ్ణా భిక్షూ చ బ్రాహ్మణో.క్రిగాథాయుద్ధానంస్యయమకే వీసగాథాయో, అప్పమాదలోకమ్హి చ.క్రిపియే ద్వాదసగాథాయో, చిత్తే జరత్తేకాదస.క్రిపుప్పబాలసహస్సమ్హి, బుద్ధ మగ్గ పకిణ్ణకే.క్రిసోళస పణ్ణితే కోధే, నిరయే నాగే చతుద్దస.క్రిఅరహంతే దసగ్గాథా,

పాపసుఖమ్మి తేరస.స్రసత్తరస దణ్ణధమ్మట్టే, మలమ్మి ఏకవీసతి.స్రతణ్ణావగ్గే సత్తబ్బీస, తేవీస బిక్ఖువగ్గమ్మి.స్రబ్రాహ్మణే ఏకతాలీస,
చతుస్సతా సతేవీస. (క.)]

ధమ్మపదే వగ్గానముద్దానం -

యమకప్పమాదో చిత్తం, పుప్పం బాలేన పణ్ణితో;
అరహంతో సహస్సజ్జా, పాపం దణ్ణేన తే దస.

జరా అత్తా చ లోకో చ, బుద్ధో సుఖం పియేన చ;
కోధో మలజ్జా ధమ్మట్టో, మగ్గవగ్గేన వీసతి.

పకిణ్ణం నిరయో నాగో, తణ్ణా బిక్ఖు చ బ్రాహ్మణో;
ఏతే ఛబ్బీసతి వగ్గా, దేసితాదిచ్చబన్ధునా.

గాథానముద్దానం -

యమకే వీసతి గాథా, అప్పమాదమ్మి ద్వాదస;
ఏకాదస చిత్తవగ్గే, పుప్పవగ్గమ్మి సోళస.

బాలే చ సోళస గాథా, పణ్ణితమ్మి చతుద్దస;
అరహంతే దస గాథా, సహస్సే హోంతి సోళస.

తేరస పాపవగ్గమ్మి, దణ్ణమ్మి దస సత్త చ;
ఏకాదస జరా వగ్గే, అత్తవగ్గమ్మి తా దస.

ద్వాదస లోకవగ్గమ్మి, బుద్ధవగ్గమ్మి రారస [సోళస (సబ్బత్త)];
సుఖే చ పియవగ్గే చ, గాథాయో హోంతి ద్వాదస.

చుద్దస కోధవగ్గమ్మి, మలవగ్గేకవీసతి;
సత్తరస చ ధమ్మట్టే, మగ్గవగ్గే సత్తరస.

పకిణ్ణే సోళస గాథా, నిరయే నాగే చ చుద్దస;
ఛబ్బీస తణ్ణావగ్గమ్మి, తేవీస బిక్ఖువగ్గికా.

ఏకతాలీసగాథాయో, బ్రాహ్మణే వగ్గముత్తమే;
గాథాసతాని చత్తారి, తేవీస చ పునాపరే;
ధమ్మపదే నిపాతమ్మి, దేసితాదిచ్చబన్ధునాతి.

ధమ్మపదపాళి నిట్టితా.